

Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. L.6.50 (a)







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. L.6.50 (a)





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. L.6.50 (a)



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. L.6.50 (a)

1

FRATRIS Baptistæ Mantuanî Carmelitæ theologi ad clarissimum equitem dominum Lodouicum Gonzalem Hispanum diuî Iacobi Galleci cōmēdatarium dignissimum in Robertum Seuerinatem Panagyricum Carmen.

EMIDEVM Veteres insignia facta poetæ  
Meoniis usi fidibus grandiq; cothurno

Et tenebris claram in lucem traxere canendo.  
Propterea magni tumulum miratus Achillis  
Pelleo genitore satus dum moenia Troiæ  
Littore sigeo laceramq; inuiseret urbem  
O fortunatum iuuenem cui carmine dixit  
Meonio dici tantoq; ad sidera cantu.  
Contigit extolli; fama; repellere mortem.  
Sed tñ in sacros fors est minus æqua poetas:  
Nā dum magna canunt heroum facta putantur  
Vana loqui; quia uulgi iners & languida corda  
Dum sublime nihil curant & segnia ducunt  
Ocia uirtutis durissima pectora nunq̃  
Cominus & fortes contrectauere lacertos.  
Noctua phoebeū uisu non sustinet orbem:  
Hoc etiam iouis armigero putat esse negatum.

A i





Sic genus hoc exangue suis quod uiribus impar  
Autumat herculeos excedere iudicat ausus  
Cædite, degeneres animi: noctemq; subite  
Tartaream stygiq; lacus teterrima lustra  
Lumine qui tremulo claros non cernitis ignes,  
Nec quales habeat uirtus discernitis alas  
Quis lernæ Nemeæq; feram saltusq; molorchi  
Quis domuit ceruâ æripedē: quis abstulit angues  
Vertice de lycii montis flammamq; chimæræ  
Et quis semiferis iuga dicitur hospita monstris  
Oppressisse: fuit labor & solertia tanti,  
Ampla quis ex uno confecit marmore tecta  
Thraicio fundata solo: qua magna perinthus  
Ante fuit: priscum mutauit heraclea nomen,  
Ardua pyramidum quis culmina nubibus æquat  
Quis tantis ephesum tēplis: quis turre Canopus  
Lucifera: libycas olim quis pressit harenas  
Mole iouis tanti: quis uicit ama zona fortem  
Quis lapidas: durosq; truci læstrigonas ore:  
Alpinum qui strauit iter: quis marmor aceto  
Rupit & æternis canentia saxa pruinis:  
Hæc facit assiduo sudans in puluere uirtus  
Quattuor in magno rerum primordia mundo  
Secretis abstrusa locis ignotaq; regnant:  
Scilicet hæc fatum uirtus fortuna deusq;



Iura deo maiora manent. cui proxima uirtus  
Tertia sors fato. cui se fortuna ministram  
Exibuit; flammis uirtus durata geluq;  
Fortunam fatumq; domat. dare sola triumphos  
Et leuibus uestare rotis; intexere lauros  
Frontibus & uiridi raptum de cespite gramen  
Ipsa potest. fuluo lucentes ære coronas  
Signaq; partitur naualibus ardua rostris.  
Et faciles myrtos exanguis præmia belli.  
Hæc monstrare uolens sua quanta potentia sæclis  
Plurima preteritis hominum sublimia fecit  
Pectora sed nostro non usa minoribus æuo  
Viribus illustrem belli pacisq; Robertum  
Protulit officiis: seseq; effudit in illum.  
Ipse caput sacrum totamq; simillimus illi  
Corporis effigiem. Casu si pingat apelles  
Insignem clarumq; ducem uoluisse Robertum  
Fingere: & exemplar ductum credetur ab illo:  
Cerne uirum uidem excelsæ quæ gloria frontis  
Quis capiti decor incano: quæ gratia uestit  
Lumina: maturo quid maiestatis in ore  
Fulgeat: extantes humeros pectusq; leuatum  
Leniter & settofa toris porrectaq; cerne  
Brachia neruorum solida compage ligari.  
Præscia uenturi iussuq; excita tonantis

A ii



Tale duci natura decus largita futuro est.  
Quā bene cristata recubant sub casside crines  
Quam bene sub torace sedent mauortia corda:  
Non ærata grauat uiridem lorica senectam.  
Non ualidam grauis hasta manū: non ilia fulgens  
Ensis: & horrificum spargens rumphæa nitorem  
Cum rutilare truces conos adamantaq; summo  
Vertice uibrantes late diffundere flammās  
Aduersæ uidere acies trepidare uideres  
Corda manusq; uirū: tremulaq; in stapede plātas  
Stare laco nescire: ducis præsentia tanti est.  
Sicut ubi libyæ per inhospita rura leonem  
Iratum uidere feræ: si fidere cursu  
Si tentare fugam nequeunt ante illius ora  
Deposita cruce iacent: regemq; fatentur.  
Nec semel aut uno tantum fugit agnita uirtus  
Ista loco: procul europam discurret in omnem.  
Qua premit aerias gallis in finibus alpes  
Hyberno Cynosura gelu: qua murmurat æquor  
Hadriacum: qua rura lygur saxosa colonus  
Exercet mitesq; legit de collibus uuas  
Thyrrheno siculoq; madent ubi littora fluctu  
Facta ducis celebremq; sonant ora omnia famam  
Quid referam uirides annos cum uenit in arma



Pene puer; patrui mores & sfortia semper  
Signa sequens: teneras prima lanugine malas  
Claudere fulgenti galea tum coepit; & armos  
Deliciis rigido positis circundare ferro:  
Sicut marmarici soboles primaeva leonis  
Iam pendente iuba curuis ubi fortior aetas  
Vnguibus & ualidis armauit dentibus ora  
Stare nequit: cursuq; feras saltuq; fatigat.  
Sic puer ut flagrans picena p oppida fulmen  
Transiit: & celeri fregit tot moenia marte.  
Non maiora tulit uirtutis signa futurae  
Scypio: cum pauidis tranans pro ciuibus aequor  
Attulit in libycam strages & funera gentem.  
Quid repetam uictis antiqua pericula boiis?  
Scit Dardanio Tanarusq; fures Tanaroq; ppinquas  
Eridanus nec non insubris flumina lambri.  
Quid cum uix secum rapuit sua signa Iacobus  
Aufugiens: erat ille tamen non segnis; & artem  
Palladium doctus: sumptaq; acerrimus hasta.  
Non marium Cimbrum maiori clade furentem  
Nec marathon fudit maiori turbine persas  
Milciades quando subitis congressibus hostem  
Fregit: & ingentem sepeliuit sanguine campum.  
Adde fluentinis pugnam pro ciuibus: adde  
Flaminiu (poterit meminisse Bononia) martem

A iii



Ipse quoq; a gallis magnos sortitus honores  
Militiam sub rege diu tractauit & arma.  
Quis canat assumptos olim pro regelabores  
Quē modo fata p̄mūt: q̄s parthenopæa per arua  
Flagrantes referat pugnas: mille oppida mille  
Terruit excelsis positas in montibus arces  
Postq̄ sidereo moriens Alфонsus olympo  
Claruit: & magno coelum repetiuit honore:  
Arnus & alphææ meminerunt humida Písæ  
Moenia cum patrio missus de littore miles  
Daunius in tuscos magno ruit agmine campos.  
Scit quibus immensum traiecit pontibus amnem  
Luca uetus qualesq; dedit tuba martia cantus  
Scit ueteris Lunæ tractus nymphæq; marinæ  
Cum ducis anguigeri stygio caput abdedit orco  
Vlrici mors acta manu cum plurima creuit  
Seditio fortuna grauem meditata Roberto  
Perniciem uirtute nouos abigente tumultus  
Et fraudes retegente deo delusa retraxit  
Lora dolens: gemitq; dolos exire latentes.  
Bis patriæ laturus opem: bis pulsus iniquo  
Sidere uirtuti saltem satis undiq; factum est.  
Sēper habet uētos placidū quibus excitet æquor  
Aeolus: & nautis cursus fortuna secundos  
Inuidet: & crebrum ferit alta ceraunia fulmen



Sed magis excelsæ paruit solertia mentis  
Cum seruile iugum Genuæ contriuit & urbem  
Egregiam lygurum terra pelagoq; potentem  
In pacem antiquam libertatemq; reduxit  
Quam tamen ante graui patriæ subiecerat astu  
Hoc orbis miratur opus: superare uidetur  
Id facinus tam grande fidem: sed uidimus ipsi  
Nec tantum liuor potis est abscondere lumen  
Classica & armorum strepitus & cornua rauco  
Irritata sono contortaq; sulfure saxa  
Audiuere procul Cyrne Sardoq; tellus.  
Sicut ubi augustus celsa sub Leucade uictor  
Agmina disiecit phario crepitantia sistro.  
Non animis tantum fabios ualuisse trecentos  
Qui patriæ uallum sese fecere: suoq;  
Corpore clauserunt aditus hostilibus armis  
Crediderim: nec te combusto Sceuola trunco  
Cum furor Ausoniam nuper nauortius omnem  
Subuertisset: opes uenetæ fessumq; lababat  
Imperium; uires italæ concordibus armis  
In uenetum magnos simul exciungere tumultus.  
Arma uiros fractasq; padus sub gurgite lato  
Voluit adhuc classes: & adhuc tinnitibus aures  
Ferrariæ tantis resonant calcata paludum  
Stagna quibus uix ante fuit uia piscibus altos

A iiii



Sub quibus irato natabat padus æquore pontes  
Nec laudare satis possum: nec credere quemq;  
Posse reor nisi qui tantis interfuit ausis.  
Non melius rhenū cæsar Rhodanumq; sonante;  
Edomuit: rapidum non sic augustus Araxem  
Ferre iugum docuit: ripisq; adiungere ripas.  
Heu quantos luctus illis quot sæua diebus  
Funera sollicitæ raptō pro pignore matres  
Accepere. ferunt athesim per rura cruentum  
Isse diu ripis toto moerentibus anno.  
Ipse etiam uitreis qui pascua diuidit undis  
Mintius accepta uariāuit cæde colorem:  
Sanguineumq; bibit mixto cum puluere rorem.  
Solut martis onus tantī furiasq; Robertus  
Sustinuit: solus tantos compescuit ignes.  
Nec tantum Cocles nec tantum Curtius umq;  
Moliri potuit. ueteres sua sæcula laudent  
Nostra suis etiam non sunt fraudanda trophæis.  
Hic quandoq; moras Fabii quandoq; furorem  
Cæsareum simulans uario stratagemate uictor  
Italiæ sese ingenti preficit honore:  
Communemq; hostes ipsi fecere magistrum  
Militiæ nec eos puduit discedere ab armis:  
Et pacem petere & palmam prebere Roberto  
Credimus officiis olim longæua duros



Signa triumphalem uenetos ingentibus arcum  
Nam penes hos uiuit priscæ uirtutis imago  
Et ueteres æquant regnis crescentibus annos.  
At nunc romanas arces gentisq; latinæ  
Regna quibus quondam totus nō obstitit orbis:  
Et uiolata sacri deffendit iura senatus.  
Vultorem hunc omnes assertoremq; salutis  
Asciueræ suæ. populi quos Brucia tellus  
Quos garganus alit Marli fortisq; sabini.  
Et locri quos ut fama est inuisa tyrannis  
Compulit indignam bellis auertere sortem:  
Et diomedæi ciues Dauniq; nepotes:  
Lucani calabriq; omnes; atq; hernica saxa  
Vno omnes clamore uocant; unoq; Robertum  
Ore petunt. altis præruptæ collibus arces  
Auxilium uento explicitis insignibus orant.  
Ipse per hostiles latii modo fulminat agros  
Parthenopē cumasq; petēs. Cataphratta sequunt  
Agmina. iam Clanium magnus iam pulsat acerras  
Clangor; & ingenti trepidat eampania motu.  
I. decus Italiæ tantoq; accinge labori:  
Præteritisq; nouam meritis hanc adice laudem.  
Quam delere sequens annis labentibus ætas  
Nulla queat: quæ coelo ipso scribat ur & astris  
Parce tamen miseris; nec te fortuna superbum



Efficiat; casu uirtus dominetur in omni;  
Sed quibus antiquæ laudis te heroibus æquem  
Ausoniæ custos & saui gloria martis  
Nescio. nam paucos horum syncera coronat  
Fama uel unicolor probitas sed crimine uirtus  
Multotiens offensa cadit; mutatq; colorem  
Virgineum. ceu cum terrenam Cynthia nubem  
Intrat; & ammisso perdit sua lumina phoebo  
Cæsar & edomito laudem foeliciter orbe  
Sic meruit summum uiolata turpiter urbe  
Dedecus; atq; fauis taxos iniecit amaras  
Adde q; e magni templo iouis impius aurum  
Sustulit; & patrio maculauit sanguine dextram  
Tu uero patriam seruas; limenq; paternum  
Exulibus reddis quos non sententia legum  
Sed liuore furor tinctus fugat herculis instar  
Ad commune bonum genitus. Tu tēpla deumq;  
Eximiis oneras donis. leuentia multo  
Restituīs delubra situ; tua dextera nulla  
Cæde madet; fuluumq; tibi non imperat aurum;  
Hanibali uero clades preconia nostræ  
Magna ferunt. sed foemineis qui uicerat omnes  
Vincitur illecebris: partosq; offuscat honores.  
At tu blandiciis rigidum muliebribus ensem  
Et celeres preponis equos: ignaua perosus



Ocīa continuis robur sudoribus auges.  
Sed neq; tu libycam miti sub pectore claudis  
Perfidiam: Tu namq; fidem tu foedera seruas.  
Decolor emathii regis canit India nomen  
Perpetuum: sensit celebrem Taprobana famam  
Terra iacens noctes ubi sol facit igneus æquas  
Sed tamen ille graui quotiens erat excitus ira  
Lata cruentabat turpi conuiuia cæde:  
Atq; furens aliquem comitum mucrone petebat.  
At tua tam grauib; non æstuat ira procellis.  
Nam subitos innata premit prudentia motus:  
Et cito sideream spargit clementia frontem.  
Vnus adest cui te similem tua lactea uirtus  
Efficit: & nulli probitas obnoxia culpæ.  
Scypio: qui tanto foelix cognomine nunq;  
Criminis illustres maculauit labe triumphos.  
Fama facit uos una pares uos unus honesti  
Iustitiæ uos unus amor: par cura pudoris.  
Vna gubernandi celebrat solertia martis.  
Adde q; ille mori pauper q; uiuere avarus  
Maluit: abiectis opibus seruiuit honori:  
Mancipium uirtutis erat: quæ summa putatur  
Solaq; libertas: sunt uincula ferrea mores  
Indomiti: mentesq; iugo scelus arcet iniquo.  
Te quoq; pompeio patriæ pietatis & æqui

Suadet honor cōferre; uetat graue funeris omen  
Sī te militiā plures & rebus agendis  
Aequiperant prisci lectis annalibus æui  
Relligione parem tibi non offendimus ullum;  
Tu mare tu siculos fluctus & limen Acestæ  
Alcinoiq; domos regnum phæacis Olyssi  
Phoebeam tu naue Rhodon petis atq; Cythera  
Carpathio prætenta mari persæaq; saxa  
Tristis ubi Andromade mōstris obiecta marinis  
Fleuit; & æquoreo Christi presæpia cursu  
Quæris ut horrendi uideas caua saxa sepulchri;  
Nec contentus eo Nilum & mēphitica regna  
Transis; & immītes arabum progressus ad oras  
In iuga uenisti longo panchæa labore,  
Cinnama per campos illic & tura leguntur:  
Illa niger Nabatheus arat foelicia rura  
Et legit ex multa spirantes arbore succos:  
Mox iter ad sancti prærupta cacumina montis  
Vertis ubi duro stilantes marmore guttæ  
Diuinū testantur opus; quia languida morbos  
Membra fugant attacta graues. hinc uirginis ingēs  
Gloria cyprigenæ totum uulgatur in orbem  
Te maris & terræ fecere pericula sacrum  
Hoc iter iste labor summo te ascripsit olympo:  
Nec sinit hostiles in te sauire cateruas.



Quare age romuleos dux fortunate penates  
Et latias tutare domos; succurre tuorum  
Casibus & miseros siculis a finibus audi.  
Vt postq̃ domito florens uictoria regno  
Te reducem nobis dederit cū laude triumphum  
Accipiens curru uenias inuectus & auro  
Splendidus. & niueos uideas sudare iugales  
Axe sub aurato sparsis candentibus alta  
Circum colla iubis gressusq; audere superbos  
Sed frenis parere tamen legemq; magistri  
Composito seruare gradu. Descendet ab alto  
Limine solenni pompa plæbisq; patrumq;  
Cinctus & albenti gradiens in ueste sacerdos  
Maximus immenso magnum decus addet honori.  
Nec tarpea tibi rupes sed summa petentur  
Limina sidereo posuit quæ Roma tonanti  
Clauigeroq; patri;uentis ubi cymba secundis  
Nauigat in tutos spumosa per æquora portus  
Roma coronatus passim per compita funes  
Ducet & extenso claudet uelamine coelum  
Per celebres aulae uias suspendet: & omnis  
Vicus odorato late spirabit amomo.  
Tum tuba pacificos cantus alternaq; reddet  
Carmina partitis uicibus tunc tibia dulces  
Ad numeros inflabit ebur; totoq; sonabunt



Aethere plaudentes populi sonus oibus idem  
Læticiæ confusus erit ruet undiq; magnum  
Multisonæ pelagus turbæ, tibi gestiet omne  
Limen; & ex alto spectabunt culmine mætres.  
In uultus conuersa tuos suspensa manebit  
Roma diu, talem prisci uidere triumphum  
Paulus ubi antiquos macedû populat' honores  
Alta catenatum tulit in capitolia regem.  
Sic precor has olim liceat mihi cernere pompas  
Et cantare tuas mæiori carmine laudes.  
Nos tibi uiuenti tantos debemus honores  
Sed uitæ mæiora manent te dona futuræ,  
Quæ dum fragrantî cuperem cognoscere uoto  
Orassemq; diu superos arisq; dedissem  
Candida cum gemitu lucetulus orgia flâmis  
Ipsa nec ambiguis tandem monstrata figuris  
Et miro sunt uisa modo, dum palladis humor  
Pasceret ardentē lychnum suspensa tenebam  
In multâ uigilans noctem uix lumina somno  
Aspergente graues latheo flumine sensus.  
Siue sopor seu mens excessu capta profundo  
Egerit hoc tolli in magnâ sum uisus olympi  
Sublimēq; dei patriam; quo nubila nostram  
Nulla ferunt noctem, coelesti lumine uirgo  
Circumfusa caput sacrû; frontemq; serenam;



Cui fulgens insigne rotæ. cui lucida nubes  
Ex humeris prolapsa pedes currebat in imos.  
Multimodisq; fluens finibus crispabat amictum  
Qualem nulla potest hominum solertia filo  
Texere nec uiuos imitans pictura colores  
Fingere; dux erat ista mihi; duxitq; per orbes  
Aethereos magni monstrans miracula mundi.  
Dum pcul a terris quantum se tollit in altum  
Pelion aut magni uertex sublimis olympi  
Pertenebras noctis mediumq; per aera nobis  
Effet iter quædam pallenti corpore formæ  
Ora quibus succensa: leues in tergore pennæ.  
Vnguibus harpyis similes sine uoce leuarunt  
Ingentes alas: rapidoq; abiire uolatu.  
Sicut cum magno pascentes agmine corui  
Si subito uenator adest nigrantia tollunt  
Brachia; & extento fugiunt per inania collo.  
Territus heu quænam uirgo teterrima dixi  
Turmatim uolitant tenues simulacra p auras  
Hæc referens ibam lateri confertus & armo  
Virginis ut pauidi latitant sub matribus agni  
Cum truculenta feri uidere lycaonis ora  
Tum uirgo duce me nulla formidine pectus  
Frigeat. hæc nostro fugiunt exterrita uultu  
Agmina. sunt animi tristes quos expulit olim



Sedicio prima uia: tenent hanc aeris oram  
Perpetuo damnata gelu tenebroſaq; regna.  
Hæc loca ſunt ubi uulcani longæua uetuſtas  
Credidit arma ioui trifidumq; excudere fulmen.  
Hic notus hic boreas habitât: hic horrida grâdo  
Hic ſonat horrendum tonitru. nubefq; per atras  
Fluctuat: hinc imbres: hinc nix hyberna per alpes  
Expuitur gelidoq; ſolum circundat amictu.  
Pars terræ uicina magis canente pruina  
Et lachrymis uitrei roris ſtillantibus humet.  
Altior hic per quem ferimus ueſtigia tractus  
Aeris æthereæ ſentit contagia flammæ  
Ardeſcitq; magis ſtellis ſorbentibus iſtuc  
Ex ima tellure uapor ſublatus ab igni  
Corripitur. uarioſq; facit ſplendere Cometas.  
Hic bolides: lōgæq; trabes: Xiphiaq; Dociaq;  
Hic pogon crineſq; micant: & acontius ardor  
Atq; alii ſicut diuerſi uultibus ignes  
Sic quoq; diuerſa ſortiti nomina uoce.  
Hiſ deus ingentes rerum predicere motus  
Venturoſq; ſolet terris portendere caſus.  
Sicut preterito chalabros cum terruit anno  
Fulgor: & ignitis ardens mucronibus aſtrum.  
Mox proferre caput tanti coepere tumultus.  
Et teretes aïare tubas: bellumq; per omnem



Aufoniam; & latium Thibris potare cruorem  
Tunc ego per rapidos uirgo mihi transitus ignes  
Esse potest impune; leues si corpora flammæ  
Sic terrena cremant; uirgo rarissima dixit  
Flamma nec exurit nec dissipat ore tenebras  
Ni congesta uoret terrenæ pabula molis  
Astubi siccato uires in corpore traxit  
Vrit; & illustrem uestitur lumine uultum.  
Hæc ait; & celeri flammam tranare meatu  
Coepimus. at postq̃ raros superauimus ignes  
Constitit. & summo terras monstrauit ab axe  
Sic memorās. Cāpos humiles pontūq; liquentes  
Despice conuerso regna ad mortalia uultu.  
Aspice q̃ breuibus spaciis humana coegit  
Tecta deus. terram pelagus pene occupat omnes  
Aequorei spaciōsa greges maioraq; longe  
Regna tenēt. in claustra homines angusta redacti  
Tam magnos agitāt tā paruo in pectore fluctus.  
Illic tota iacet quam si quis sanguine fuso  
Sortitur bene credit emi paritura diebus  
Gloria uenturis. Romæ quam totus honorat  
Orbis ad extremos nomen non transmeat ortus.  
Illis tot cædes hominum tot funera campis  
Tot lachrymæ tot uoce sonant suspiria tristi.  
Si genus humanum saperet; nec inertia tantum

B i



Illecebris captum uitæq; fugacibus annis  
Corpora curaret. labentia regna lutumq;  
Casurasq; habitare domos & uille pueret  
Hospitium quod cuncta sinu coeliq; marisq;  
Purgamenta legit; tristes ubi sidera casus  
Assiduasq; pluunt infesto lumine mortes.  
Cerne ait; & raras intercurrentibus undis  
Monstrabat terræ maculas; & euntia circum  
Aequora: quæ multis supeminet undiq; tellus  
Orbibus: in plures populos diuisa: genusq;  
Multimodum: stygiis etiã sub manibus inquit  
Esse domos: quæ cū nos aere somnus opaco  
Sopit habent phœbi radios passimq; per urbes.  
Exercent operas ciues per rura coloni.  
Nos illis homines tantum quæ uidimus ipsi  
Credimus esse locis sed & hi qui tartara subter  
Arua colunt uestras inquit sub fluctibus altis  
Nare putant terras; illis contraria certe  
Sed non alta magis semper uestigia fertis;  
Nam neq; uos illis illos neu credite uobis  
Esse suppositos: Spaciis aequalibus æther  
Undiq; circumfert immotis axibus astra.  
Nec pars una iacens infra pars altera supra.  
Undiq; terra subest coelo; coelum undiq; sursum  
Aspice iã curuū triuiæ superauimus orbem.



Ipsa sub humenti modo fert uestigia cancro:  
Iam terras rorabit aquis: iam nubila coget.  
Vix ea finierat, subito conspeximus atram  
E pelago nubem tollit mox frigidus aer  
Intonuit uentis & tempestate sonora.  
Visa prius coeca latuit calligine tellus  
Altius apprehenso me preuia traxit amictu.  
Hic sonus, hic ingens moto concentus olympo:  
Et procul audite mira dulcedine uoces  
Lætaq; suspensam rapuerunt carmina mentem.  
Tum mihi dux tolle arrectis os auribus: isto  
Perpetuum pæana deo modulamine coelum  
Reddit: & æterna concordant sidera, laude.  
Nullus ibi fato locus est tristiue senectæ  
Hoc coeleste melos annis mordacibus obstans  
Effugat exangues rugas: hæc tanta uoluptas  
Non subiit mentes hominum non impulit aures:  
Hi sunt æthereæ campi regionis: ad ortum  
Verte acies: clarosq; uide terræ immemor orbes.  
Aspice quam claro graditur Cyllenius ore  
Qui minor apparet uobis: iam surgit: & ipsum  
Iam seres indiq; uideut. Quis lucidus inq;  
Ille nitor: cui se croceis aurora capillis  
Copulat. & tenui lustrat iam lumine terras:  
Quam lato splendore micat: q; grata uenustas

B ii



Ore sedet. tremulam dum spargit in æquora lucē  
Emicat & pulchro gaudet sub sidere pontus.  
Hæc uenus est inqt mea. dux hæc flāma benignū  
Porrigit in terras clementi luce fauorem.  
Et nunc herbiferis rorem disseminat agris:  
Nunc aperit flores depastaq; gramina campis  
Restituit: tenuesq; pluit per pascua nimbos.  
Cur fugit in calpen dixi cur fluctibus altis  
Fertur ad occasum pelagus; nec pellitur euro:  
Luna uehit secum pelagus respondit & orbe  
Iam cadit ex alto; latiis iam iam occidet oris.  
Et remeare fretum; retroq; impellere magnam  
Cum sonitu molem undarum spumāq; uidebis  
Vorticibus ferri rapidis & currere in ortum.  
Rarus enī pulsus claret iam nubibus aer.  
Lunaq; p claram diffundit lumina noctem  
Terminus hic tenebris; sterilem nō altius umbrā  
Terra leuat; nigros circūfert pallida uultus  
Oraq; perpetuo refugit titania gyro.  
Et modo sub pedibus suprema cacumina nostris  
Erigit; & medio terras nox humida cursu  
Iam tenet: eoos surgens aurora colonos  
Excitat; & lucem cantu prenuunciat ales  
Hesperii coenas ineunt; ipsiq; britanni  
Pinguibus incipiunt hilares accumbere mensis.



Aspice q̄ lato sol circumplectitur ore  
Oceanum terraq; solum; fugit undiq; lato  
Margine; sed primos iam latior exit ad ortus  
Qui mundi nesciret opus succensa putaret  
Aequora & ingenti Neptunum ardere camino;  
Lumen ab occasu sensim submittit in ortum  
Auroram ueneremq; sequens. Quæ incendia dixi  
Tanta procul uideo flammis ardere cruentis  
Ille inquit Mars est astrum crudele nocensq;  
Terrigenis semper morbos & bella minatur:  
Iste per ausoniam bellis ardentibus omnem  
Sæuit: & indomito ciet undiq; bella furore:  
Quod nisi nos diui quibus hæc mortalia credit  
Regna pater ferremus opem: dudum itala tellus  
Heu. miseræ cedis grandes ploraret aceruos.  
Sed mihi magna mei cura est studiumq; Roberti  
Quotidie bellis illi comes omnibus adsum  
Et cui non possum uulnus prohibere salutem  
Restituo deus: ista meæ dat munera curæ  
Et modo mortali furiosa per agmina uultu  
Nunc nebulis inclusa feror; duco atq; reduco  
Incolumem. Nuper stigii de faucibus orci  
Illius egregiam sobolem cui martius ardor  
Ignifera glandis malas traiecit & ora  
Eripui: medicaq; manus & pinguis oliui

B iii



Pharmacō applicui q̄ adhuc mea marmora sudāt  
Iam sua ligna Charon gaudēs ex æquore nigro  
Appulerat ripæ: contoq; innixus acerno  
Expectabat hiāns miseram tristemq; rapinam  
Suspice pacificos ignes placidumq; nitorem  
Iupiter est depone metus. affabile sydus  
Et sacrum uenerare iubar. fulmenq; trifidum  
Neu metuas; alios clemens hic mitigat ignes.  
Quāuis tantus eat; tantoq; effulgeat ore  
Si tamen accedas placidis te colliget ulnis  
Sed caue uulnificam falcem sidusq; malignum  
Quod pallere uides tristiq; albescere plumbo.  
Hac uia sit; moestiq; senis ne sidera tangas.  
Venimūs in campos flāmis ubi millibus æther  
Ardet & obliquo fulgent animalia circo  
In boream conuersa caput. Quur sidera dixi  
Clara micant; quis tot coelum fulgorib' implet;  
Dantne uel accipiunt ignes aliunde coruscos;  
Dixit ad hæc uirgo. coelis essentia simplex  
Densior est ignis; flamma quoq; densior aer  
Aere neptunus. coeco iacet infima fundo  
Terra humiles sortita locos; ubi densior orbis  
Sole repercusso splendor uibratur; & astrum  
Dicitur. at rari penetrantur lumine tractus;  
Non abeunt retro radii, qua plurima iunctis



Limitibus coeunt in eodem sidera limbo  
Lacteus efficitur circus: qua lactea fingunt  
Vbera iunonis tortos fluxisse per arcus  
Prospice iam toto pontum sol deserit orbe  
Et cum sole caper recto se tramite tollens  
Surgit: & ex undis cornu procul erigit altum.  
Ausoniae iam prima dies: iam summa relucet  
Culmina gargani: iam lux discriminat agros.  
Vis mouet hos orbes uirgo: quae temperat inque  
Tantae molis iter: campis ego semper ab imis  
Suspiciens tanti motus cognoscere causas  
Iam pridem uolui. tales dedit illa loquelas.  
Aetherae mentes quae corpora nulla nec altus  
Accipiunt magni uisu subiere tonantis  
Munus id: a prima cum fluxit origine mundus.  
Nec labor est illis labor hic sed summa uoluptas.  
Cernis ubi phoebus summum iam porrigit orbes  
Perpetuae sedes animis motricibus illis  
Sed propera. niuei uident aurea cornua tauri  
Praecipiti sub fronte hyades a clune coruscant  
Pleiades uernae. Nobis iam circulus alter  
Scanditur. hunc alius curuato limine cingit  
Signifer: aut nullae pingunt animalia formae:  
Nec uarios usque stellarum suscipit ignes.  
Lucet enim glaciemque refert uitrumque colore:

B iiii



Cryſtalliꝑ tenet nitidos cum nomine uultus.  
Hinc ſua coeleſtes ſummunt exordia motus  
Hic alios ſecum magno molimine uoluens  
Raptat: & in boream lentis declinat ab auctro  
Paſſibus: & retro ſua perueſtigia fertur.  
Ultima iam nobis regio flammantis olympi  
Panditur. & ſummi monſtrat ſe regia coeli.  
Suspice nō ſolis radios non ſideris ignes  
Sed totū flāmis circumlambentibus orbem  
Surgere in immenſam tā ualta incendia lucem  
Obſtupui: ſanguis uenas & anhelitus ora  
Deſeruit. ſi tot quot ſunt modo ſidera coelo  
Conueniant ſoles magno par lumen olympto  
Non parient: tantū mortalia lumina cōtra  
Non potuere iubar tolli: Contagia uirgo  
Corporeæ molis dixit tua peſtora tardant  
Et fragiles ebetant ſenſus: ubi liqueris artus  
Nō ferret hæc ingēs ullū tibi flāma pauorem:  
Pone metus: aude tantos te inferre per ignes  
Fide mihi. illæſum ſummo te culmine ſiſtam.  
Hæc ait: & celſam ſubito me traxit in arcem.  
Hic pater immenſes regio latiffima campis  
Pluſꝑ noſter eat uiſus. ſi dicere fas eſt  
Fine caret tellus ipſi collata ſepulchrum eſt.  
Et coecò ſpelunca ſinu: quā lubricus humor



Et coenosa palus diro contristet odore,  
Nil maius natura potest: dum conderet orbē  
Hic regni caput hic mūdi deus esse cacumen  
Instituit: spacium fulgor per mane uagatur  
Quantū non oculis quātū nec mente uidemus  
Dux oculos defixa solo paulumq; morata  
Gerne ait: agnosco magni uestigia Pauli.  
Hoc olim stetit ille loco: cū lumine captus  
Deposuit saeuum uirus: squāmamq; draconis  
Exiit: hac iter est ad nostri limina regis.  
Accelera. latūs illos pcul aspice campis  
Innumeros hominū coetus per florea prata  
Ferre coronatas uario diademate frontes.  
Et fulgere togas auro gemmisq; coruscas  
Scintillare manus. hilariq; incader e uultu:  
Hī sunt purpurei reges qui sacra deumq;  
Præposuere opibus: quos detestanda libido  
Imperiū non crudeles non fecit auaros.  
Sī tamen aut turpes maculas post fata tulere  
Aut iniucundum terrenæ fecis odorem  
Sub stygiis lauere uadis: nā flumina quinq;  
Has scelerum labes & regna cathartica soluunt  
Ille ferens mitem toto prior agmine uultum  
Imperiū quondam partem romanaq; regna  
Viuus adhuc cessit Christo: generiq; futuro.



Propterea deus hæc illi latissima regna  
Et toto maiora solo concessit. & ipsum  
Regibus his prefecit: eunt spacioſa per arua  
Maxima cum dulci miſcentes gaudia riſu.  
Ecce gradus in nos omnes & lumina uertunt.  
Accelerant: Tantos unq̃ non uidit honores  
Roma potens: Viden ad leuam qui lumine claro  
Regales. prefert animos. hic parthenopeus  
Nuper tenario ueniens: Alſonſus ab orco  
Magnanimæ ſaluate animæ: ſaluate magiſtri  
Bellorum quondam: quos & terrenus honorat  
Orbis adhuc: tantæ nemeo preſtare coronæ  
Obſequio quicq̃ potero: ſermonibus iſtis  
Compellauit eos uirgo. Tum parthenopeus  
Curuato cum fronte genu ſic ora reſoluit  
Aetherei ſplendor rutilans & magna ſenatus  
Gloria coeleſtis patriæ quæ limem emiſti  
Sanguine: cui digitoſ deus & caput obligat auro.  
Cui uiuens addiſtus eram. parere parati  
Venimus: ut dignos meritis reddamus honores.  
Sed tamē hic noſtros q̃ſnā nouus aduena campos  
Tecum adiit: uiuis ne patent empyrea regna:  
Tum ſic orſa loqui uirgo. Rex maxime quondam  
Magnanimiq; ſator regis: niſi noxia primus  
Mala parens fregiſſet erant hæc peruia uiuis



Regna. sed infoelix legem scelus attulit istam  
Attamen oipotens cui uult pater atria pandit;  
Nec leges aditus omnis clausere; nec ipsum  
Latorem uincire queunt. De limine pulchræ  
Venimus italiæ; magnos ubi sæua tumultus  
Arma parant. uexatq; tuos sors dura nepotes.  
Namq; tui procures regni comunibus armis  
Dum mutare iugum longoq; exire laborant  
Seruitio. bello illustrem duxere Robertum  
Littore de ueneto. Sors est incerta futuri.  
Sic mea dux; heros animo non pertulit agro  
Sed placido sic ore sonat. Nos æquora quondã  
Vertimus & miseras nimium uexauimus urbes.  
Poenituit: poenasq; dedi. Phlegetonte sub alto  
Arsimus; & longos ignem portauimus annos  
Scit qui uinctus erat lateri Franciscus eodem  
Sforcia supplicio quotiens plorauimus una  
Blandimenta. dolos. furias & plurima uitæ  
Crimina preteritæ. sed nos clementia patris  
Atq; tuæ iuuere preces: me nulla cupido  
Sollicitat regni; tales cum corpore curas  
Exuimus. certent ipsi uideantq; nepotes  
Quid leges & iura uelint. ardentia manes  
Expectant quos p̄cipites in tartara mittant;  
Quos in uincla ferant; cui ferrea uerbera possint



Intentare truci instantes crudeliter ore,  
Viderit hæc cui flamma potest ea saua nocere;  
O utinam quantas regni mea pignora curas  
Iustitiæ tantas habeant; tum firma manerent  
Sceptra; nec infesto resonarent classica cantu.  
Sed regni iactura minor, pietatis & æqui  
Maxima diuitias aufert & regna uetustas  
At uirtus æterna manet; sequiturq; sepultos.  
Bella gerant ipsi; uincant quibus ætheris alti  
Fauerit imperium, generi meliora rogabo  
Fata meo: sortemq; ferant patientius omnes  
Sic ait; & comites nutu assensere loquenti,  
Tum mea cæsaream uertens in lumina frontem  
Sfortia progenies pacem Eranciscus & arma  
Doctus; & illustres inter uirtutis alumnos  
Inferior nulli dixit Cum ueneris illuc  
Quisquis es ad nostrum qui tam foeliciter orbe;  
Aduenis insignem iubeas saluere Robertum  
Ille mei splendor generis; tantoq; nepote  
Lætor adhuc uidi casus uidi illius omnem  
Fortunam miserans; sortem iam uicit acerbam  
Et potuit grauib; fatis obsistere uirtus.  
Ille meos priscum non aspernatus amorem  
Seruet ut ante meis gereret cum strenuus arma  
Auspiciis dulces mecum dum uiueret annos



Viuat: & huc animi curas iam porrigat omnes.  
Sic ait: & uersis ibat iam passibus agmen.  
Cumq; recedentem coniecto lumine turbam  
Prosequor admirās uiden hūc cui plurima mēto  
Canicies dixit Virgo: Bizantia sceptrā  
Gessit & immensas tulit in compendia leges:  
Iustini genus egregium: Theodosius illi  
Iungitur: & dextro leuum latus applicat armo  
Qui sequitur Traianus erat: quem traxit ab undis  
Tartareis magni deus ad suspiria uersus  
Gregorii: tantū pietas seruataq; semper  
Iura ualent. hī quos hederis lauroq; uirentes  
Cernis idumæa signari pectora fronde  
Godfridus Caliphæ domitor qui regna recepit  
Usurpata diu: solimasq; ascendit in arces  
Turbine cū magno. Veneti ducis inclyta ples  
Et sacer in tanto primos Adamurus honores  
Agmine sortitus. nitidis Boemundus in armis  
Clarus adhuc. Vgo magnus. geminiq; Roberti  
Hī simul adiunctis coiere in pralīa castris  
Per Nicomedis agros opulentaq; regna Niceæ,  
Perq; lycaonios adierūt Reblata cāpos  
Reblata quæ primos Petro concessit honores  
Anthiochi cū iam muros & nomen haberet  
Cappadoces. Tyriasq; domos Sidona potentē.



Sub christi misere iugum. Si uicerit hostem  
Sceptraq; Parthenopes parere coegerit urbi  
Romuleæ longi cum meta recurrerit aui  
Hæc in regna feram tota cum prole Robertum;  
Diuorumq; thoris addam. gaudebit: & alto  
Corde redundantem diffundet in ora uoluptas  
Laticiam; cum se circum sua pignora cernet  
Ire per elysium: terras oblitus habebit  
Castra per æternas gradiens heroica laudes.  
Dixerat. his paucis ego longa silentia rupi.  
Pande mihi nisi scire nefas ubi rector olympi  
Quosue lares habitare solet. nam credimus ipsus  
His altis errare locis: coelumq; tenere;  
Dux mea subridens supra deus inquit & infra  
Aethereos orbis habitat: sub sole sub aura  
Sub tellure latet: sub dite: sub æquoris unda.  
Omnia plena deo. nam sicut tota per artus  
Corporeos mens una subit sic unus in una  
Mundi mole deus: mundo tamen amplior ipso  
Tendit in immensum nulloq; includitur arcu  
Sphæra deus uiuens: cætri tumor occupat omnē  
Curatura locum nescit: defluxit ab ipso  
Orbis: & in magno quicquid concluditur orbe.  
Ne durare potest quicquid nisi porrigat ipse  
Auxiliatricem clementi numine dextram.



Vna tribus uirtus unum tria numina numen  
Hæc nouisse satis; debent arcana taceri.  
Iam christi natalis adest; coelestia magnos  
Agmina conuentus celebrant; discedere tēpus.  
Tūc ego; mene graues iteꝝ descēdere ad umbras  
Mene domos iterum luteas iterumq; labores  
Ferre iubes; ah me tali ne deice regno  
Dux mea; per superos oro per magna tonantis  
Sceptra; per hos liceat tecum mihi degere cāpos  
Si mortis me dura uertant & ferrea iura  
Quid moror; hi fragiles artus in frustra secentur.  
O decor o campi dulces o gloria coeli.  
Quid mirum si ad regna minus terrena reuerti  
Foelices animæ cupiant; Dum talibus oro  
In lachrymis nabant oculi. tepidoq; madebant  
Rore genæ. dulces urebant pectora flāmæ.  
Et suauī moerore labans uix ægra ferebat  
Membra genu; uotisq; diu flagrantibus arsi.  
Tum uirgo. quid si patriæ tibi tota paterent  
Atriâ coelestis; uultu si numen aperto  
Si solium magni uideas atq; ora tonantis;  
Te tua regna uocant; iterum te terra reposcit  
Hoc spoliū mortale lutum est, mortalia cōdes  
Membra sola; fecemq; suis cum sordibus istam  
Ante dabis tumulo q̄ cætera cernere possis



Et nostras habitare domos. Si uilibus inq̃  
Me spoliem membris iter hæc regna patebit  
Non ait ætherea nisi quos ex arcē uocamus  
Huc ueniunt. heu me miserum quem tristitia dixi  
Fata uocant; iterum uentos patiemur & imbres.  
Solicitosq; dies & lamentabilis æui  
Durius exilium: si me tam dulcibus oris  
Eiicitis: saltem liceat precipere uitam;  
Mecum oculos pigrasq; manus & inertia crura  
Ferre sat est. hic singultus hic ipsa relinquam  
Corda: meas istinc saltem ne excludite curas  
Ibo igitur: totosq; dies in funere ducam  
Parce metu dixit uirgo. tibi proderit huius  
Lucis amor uidisse sinus & limina olympi.  
Te minus interea uitæ contagia lædent  
Mortiferumq; scelus: nec te tua fata grauabunt.  
Et quotiens me cunq; uoles non uoce uocabis:  
Velle sat est. adero. Nosti quos ante fauores  
Præstiterim: posthac magis experiere secundam  
Hæc ait: & tenuem subito discessit in auram.  
Tunc sopor aut aliud fuerit quodcūq; soporis  
Ora ferens grauib; mihi sautia pectora curis  
Liquit: & ammissi damno tristabar olympi.  
Iam superest ut te bellorum maxime ductor  
Admoneam non esse tibi consortia tantæ



Aspernanda domus: facilem tutamq; ministrat  
Hæc in regna uiam pietas & sacra nitenti  
Religio uestita fide; cultuq; frequenti  
Dona deo diuisq; omnes congesta per aras.  
Hoc quoq; non nostri tantum docuere priores  
Qui Christi lauere suos in flumine crines;  
Verum etiam qui uana sacris idola profanis:  
Et fragiles coluere deos, Post cymbrica bella  
Barbaricus templum, spoliis predamq; recenti  
Struxit; & optato Marius sacrauit honori  
Bacchus ut eos uictor penetrauit ad indos  
Primitias predæ superis & magna dicauit  
Dona Ioui: prisci frondes in templa ferebant.  
Primus hic & spoliis aras cumulauit & auro.  
Scypio cui nomen deuicta Numantia fecit  
Templa dedit superum patri; Marcellus eidem  
Gallorum ducis exuias. Agrippa superbis  
Porticibus; grandiq; deos testudine clausit.  
Innocuæ paci molem rex Flauius altam  
Tullus ab albanis rediens saturnia templa  
Condidit. at Scaurus menti; post arma Camillus  
Gallica delubrum famæ. Sed maximus omnes  
Constantinus auos uicit; tot templa per urbem  
Tot templis sacrauit opes; uasa aurea; gemmas.  
Signa; sacras uestes. Casias & balsama cultris

*Idola*

C i



Marmoreis incisa, crocos. & cinnama ab orbe  
Vesta peregrino. Sic te quem longa coronant  
Proelia; cui summam totiens uictoria laudem  
Præstitit; in superos gratum memoremq; tonantis  
Esse decet. Sicut ueteres iam laudibus æquas  
Militiæ; sic te facias pietate priorem.

FINIS.

Explicit panegyris in Robertum Seuerinatem.

FRATRIS Baptistæ Mantuani Carmelitæ theologi  
ad magnificum comitem Andream Bentiuolum  
sexdecimvrum Somnium romanum.

AXIMÆ iustitiæ cultor : qui  
m clara parentum  
Facta nouis uitæ meritis & hono-  
ribus auges.

Vos quibus est diuum dono concessa potestas  
Felsinæ gentis patriæq; tenetis habenas.  
Ambiguos rerum casus artemq; dolosæ

Sortis & ingenium fallax deprehendere fas est.  
Ver non una dies non una reducit hirundo  
Sic neq; solertes brevis experientia rerum  
Fert animos: uigilans prudentia surgit ab usu  
Multiplici: sicut de mille coloribus iris.  
Hac sine nil tentare boni nihil utile rector  
Consultare potest. æquas prudentia leges  
Et placidæ pacis mores cõponit: & omnem  
Militiæ martisq; uiam: parit ipsa triumphos:  
Ipsa giganteas uires prostrauit & altum  
Demolita caput solymo Dauida iacentem  
Sustulit imperio: & regni decorauit honore.  
Propterea a magno tantis Agamemnone curis  
Nestor ab Adrasto uates quem prodidit uxor  
Quæritur: in phrygios astu cordatus Olysses  
Plus potuit q̃ marte ferox & uiribus aiæx.  
Euentus igitur rerum causasq; tueri  
Atq; uices uariâs & coeca pericula sancti  
Est rectoris opus: quo se patriamq; salutem  
Seruet: & ad fragilem ueniat cum laude senectâ.  
Id meditans extrema ducem quæ fata Robertum  
Oppressere canam: trepidæq; horrentia noctis  
Somnia lugubrem quæ prædixere tumultum.  
Taliter humanas deus ad coelestia mentes  
Contemplanda uocat: terrâq; infestat ut altum

C ii



Aethera quæramus;ratione carentia pronò  
Quæ uultu pascuntur humum;mortalia supra  
Nìl sperare licet;nobis domus ultìma coelum;  
Nec minùs est dæmens rerū qui in uortice tãto  
Vult regem q̃ qui in mediò putat æquore portū.  
Sed iã moesta grauem referant in somnia casum.  
Igna molorchei fugiens accensa leonis  
f Sub qb' occursū triuiae idignat' & ũbrā  
Palluerat Tìtan curru pulsabat anhello  
Virginis icariæ limen;uersisq; redibat.  
Pronus in autumnū radiis;cum tristia langor  
Nescio qs mihi corda premens & lumina toruis  
Nubibus inuoluens frontem contraxit opacam;  
Moestus & ignorans causam moeroris inertem  
Conabar reuocare iocis in gaudia sensum.  
Nulla erat ignoto presens medicina dolori.  
Multa dies & multa dabant suspiria noctes.  
Quotidie absumptis crescebat uiribus ardor  
Cordis;& obscuro uultū pallore iacentem  
Polluerat uapor egrediens acherontis ab unda;  
Lux ierat;nigrisq; aderat nox humida pennis.  
Membra toro posui curas ut somnus inanes  
Pelleret;& mentē requies compesceret ægram.  
Turbida imaginibus surgūt in somnia diris:  
Concutiturq; graui gelidum formidine pectus.



Territus exilio; noctemq; umbramq; silentem  
Horresco aspiciens referansq; cubicula solus  
Egredior memoriq; putans crudelia mente  
Somnia suspicio coelum flammascq; micantes:  
Atq; malum nostros uerti precor omen in hostes  
Pallidus obscuro surgebat Iupiter ore:  
Moestaq; nec solitum referens aurora decorem  
Per nimbose agram fundebat nubila lucem,  
Horrendumq; sonans dextra cum fulgure fulmē  
Intonuuit subito; tempestatemq; fragorā  
Turbidus hyberno boreas uoluebat ab axe  
Tunc audire uirum uoces lituosq; tubascq;  
Armaq; & hinnitus acres sum uisus, equorum;  
Et graue frigenti murmur ueniebat ab arcto.  
Attonitus quid tanta ferant portenta per auras  
Dum reputo; curis iterum lentoq; sopore  
Opprimor; & tepido cogor dare membra cubili.  
Procubui languens; & mox ut lumina texit  
Matutina quies; umbras incedere tristes  
Aspicio; & quendam canis altoq; uerendum  
Ore senem sese lateri coniungere nostro.  
Ardua frons sed tristis erat: miserandaq; mento  
Canicies, atro conspersi puluere crines.  
Crispatæq; genæ & uisu, caua lumina toruo;  
Qualia cum multas inter suspiria noctes

C iii



Egerit: atq; diu somni contabuit expers  
Aeger habet: gelidæ nares: exanguia labra.  
Et facies squallore iacens: confecta q; turpi  
Ora situ: quales longi post carceris umbram  
Esse solent bello capti: uel tristia quales  
Cum gemitu ueniunt natorū ad busta parentes.  
Ferreus ambibat lumbos atq; ardua torax  
Pectora. delapso cingebat eburnea ferro  
Armatū uagina latus. signata cruentis  
Ora notis: ambæq; manus & pectus anhellum  
Talis erat qualem Aeneæ se maximus Hector  
Obtulit in somnis: patrios cū flamma penates  
Iam raperet: captamq; dolis iam cerneret urbem.  
Effigies herois erat: quī fortibus armis  
Inter mille uiros pugnās post plurima tandē  
Funera: post cades hominū dum cedere nescit  
Dum renuit dare terga fugæ: confossus iniquo  
Sidere procubuit super altæ stragis acervos.  
Territus aspectu primo: tandemq; resumptis  
Viribus o tanta quī te sub imagine dixi  
Nocte refers coelo ne uenis an missus ab orco:  
Ille gemens tristi duxit suspīria uoce.  
Atq; oculos misero attollens & brachia gestu  
Ne trepida dixit Christi Mariæq; sacerdos  
Ille ego quē tantis ornasti laudibus olim



Moënia dum peterem coelo romana sinistro.  
Ille ego qui uiuens gessi tot bella Robertus  
Inter equos inter lituos nutritus & arma:  
Stirpe seuerinas: crudam doctissimus artem  
Militiæ: & casus uadens animosus in omnis.  
Huc mea me uirtus huc me fortuna redegi.  
Magnanimi postq̃ ducis infoelicia fata  
Talibus accepi dictis: exorta repente  
Corripuere animum rapidis incendia flammis.  
Et uelut ardenti glacies cum liquitur igne  
In lachrymas fluxere oculi: pronumq; lacertis  
Complectens heroa piis: o maxime dixi  
Militiæ pater ausoniæ: quem bella gerentem  
Barbara contremuit totis germania campos  
O ueneti tutela soli .gentisq; latinæ  
Præsidium commune malis ne regna paterent  
Itala barbaricis iterum ne Rhenus & isther  
Ausoniæ populentur opes tua pectora uallum  
Inuictis fecisti animis. o æterna tuorum  
Gloria: si mortale potest occumbere corpus  
Immortale manet uenturaq; sæcula nomen  
Vincet: & accipient laudes post funera semper  
Incrementa tuæ: Nostris antiqua diebus  
Te duce surrexit uirtus. o clara potentum  
Sforciadum soboles. auris uitalibus ergo

C iiii



Non frueris: nec uiuis adhuc: cruor iste tuisne  
Fluxit an alterius crudeli uulnere membrís:  
Ausane barbaricæ gentis manus impia tantum  
Ille suum dixit finem mea fata tulerunt:  
Et mens coeca prius de tristibus eruta claustris  
Iam uidet æternam facta caligine lucem.  
Fata dei consulta uoco non ætheris astra:  
Quæ quiuis aliquas habeant in corpora uires  
Cuncta tamen dominũ moderatorq; sequuntur:  
Et nihil attentant si non uidere tonantem  
Assentire operi: nutuq; fauere secundo.  
Non secus ac ualidis harpe comprehensa lacertis  
Non alio torquet nisi quo manus egerit ictum:  
Tanta hominũ generi impietas tã noxia mens est  
Vt coelo dent iura dei quasi cymba per undas  
Sponte sua scopulos fugiat sine lege magistris:  
Et quasi per campum uoluat se biga patentem  
Automedontææ gradiens sine uerbere dextræ.  
Præsidet ut summa uigilans in puppe magister  
Ostenditq; uiam proræ sic solus ab alta  
Sede deus tantæ cursus & pondera molis  
Temperat: ex primæ motu uertiginis: horæ:  
Ex horis nox atq; dies: ex nocte dieq;  
Lunigenæ surgunt menses: ex mensibus anni:  
Lustra & olympiades nemoris de nomine dictæ



Et quæ contuplici uoluuntur sæcula cursu  
Chiliadesq; cadunt: quarum iam quinta recessit  
Sexta citis uectata rotis per inane iugales  
Ad medium iam cogit iter: mundi; senectam  
Ducit: & alterius uitæ prænunciat ortum.  
Hinc hominum deus ætates hinc tempora rerum  
Hinc spacia hinc uitas animantū & fata gubernat:  
Ipse meos fregit ne sim miser amplius annos:  
Communemq; piis fecit cum manibus oram.  
Elysium dixere olim: modo dicitis hortum.  
Sed uos ista latent. At cur si læta recepit  
Te regio dixi placidaq; in pace quiescis  
Ad quam longa piæ mittunt suspiria mentem  
Te modo lugetem misera sub imagine monstras:  
Ut genus ostendam mortis respondit: & ipsa  
Vulnera quæ accepi pugnans in Marte supremo.  
Sic quoq; post uictos manes spoliataq; regna  
Ditis ab obscuro Christus remeauit auerno.  
Namq; cicatrices manuum laterisq; cruenti  
Rettulit: unde fides omnis titubantibus orta est.  
Tum sua membratim moestus similisq; dolenti  
Vulnera detexit tepidum sudantia rorem.  
Vnum leua manus qua flectere lora solebat  
Sub iugulo torax unum perfossus & unum  
In subito martis facies acceperat ortu.



Traiectumq; latus iaculo: traiectaq; terga  
Sulfereæ stridore pilæ: crurisque sinistri  
Truncus iners plumbiq; genu feruore caducum  
Sed grauius quo uocis iter præcluserat hasta  
Hasta uenenato penetrans caua guttura ferro  
Dic age dic inq; quando te numinalætis  
Accepere locis reducem licet omnia fari  
Et casus audire tuos extremaq; fata  
Quis furor armorum quæ tanta licentia ferri  
Te rapuit: quæ te curæ tenuere cadentem  
Cogimur o uates inquit parere: sed urgent  
Auroram titanis equi req; orgia poscunt  
Sole nouo quibus applaudens lætatur olympus  
Expediam paucis igitur. Vicina Tridento  
Castra sub alpinis rapidi trans fluminis amnem  
Verticibus qua curua sinu conuallis opaco  
Flectitur: & parua suspectat moenia Petræ  
Constiterant: uerum obiectu quia montis iniquo  
Vnda per angustas fauces & marmoralabens  
Sæpius obstabat nobisq; sæpius acto  
Ponte fuit sternenda uia: & natura locorum  
Inquirenda prius summisq; adeunda periclis  
Barbara gens. & castra solo metanda fideli  
Ultimus ingenti rerum discrimine nobis  
Pons texendus erat. nouus explorator ad agros



Quæritur hostiles: nostra ad tentoria lecti  
Conuenere duces italæ pudet ædere gentis  
Dedecus: ex tanto heroum meus agmine solus  
Lucius a patriis laribus qui nuper inermis  
Venerat: est ausus dubios inuadere casus.  
Ipse datos igitur comites ortatus & armis  
Strennuus assumptis iter est ingressus: & alta  
Nocte senescentis tacito sub lumine lunæ  
Per latera abrupti scandens asperrima montis  
Præterit positam summis in cotibus arcem:  
Subiectosq; iugo campos intrauit: & oram  
Dum legit: ecce procul telis lucentibus hostes  
Aerea de rupe uolant: nox pallida crebro  
Lumine sintillat resonantq; tonitrua glandes:  
Lucius immotis animis & pectore forti  
Obuius it: bifidoq; petens certamine turbam  
Aedidit horrendam stragem: ripasq; sonantes  
Fluminis & uallem Herculeo iam uicerat ausu  
Cum procul audimus uicttricem classica cantū  
Aedere: collapsas generi uictoria mentes  
Extulit: extemplo iratæ uada nauibus undæ  
Rupe sub excelsa infensiq; ante ora Bisegni  
Aggredior: trabibus quernis & robore secto  
Fit uia: turmatim pedites equitumq; cateruæ  
Spumantes onerant fluctus: cymbasq; natantes:



Et iam transmissis campis fatalibus amne  
Constiteram uoti compos adituq; reperto  
Lætior, heu quotiens ridet fortuna cauendum est.  
Altius: ingentes uoluebam pectore curas.  
Iamq; tridentinas arces rhenumq; putabam  
In uenetum misisse manus: Nec uota fuissent  
Irrita: ni fors dira meum aduersata laborem  
Dum properant tranare acies: exercitus ante  
Quam simul hostiles totus penetrasset in oras  
Compositum rupisset iter: Disiecta furenti  
Vortice compages pontem submersit: & unda  
Conuulsas rapuit per saxa immania puppes:  
Iamq; dies phoebe radiis accensa calebat:  
Ardentiq; cauam conuallem accenderat aestu.  
Hæc erat illa dies: sæui qua iussa tyranni  
Spreuit: & appositum uicit Laurentius ignem  
Omne prostratae mentes & corda meorum  
Contremuere. uident ripis & flumine castra  
In partes diuisa duas: uia nulla relicta est  
Subsidio: uia nulla fugæ. sic numina coeli  
Sic superi uoluistis. eram de rebus agendis  
Ambiguus: uolui retro uestigia ferre:  
Contractisq; iterum pontem instaurare fasellis.  
Mox noua cura subit: locus amne & motib' altis  
Tutus erat: solus gelida restabat ab arcto



Faucibus angustis aditus: quē claudere fossa  
Præcipiti instituo: subitis ne incursibus hostis  
Aduolet: & pauido trepident ne castra tumultu  
Sed tentare nihil licet aduersantibus astris.  
Ecce procul nimbos & puluerulenta per auras  
Nubila conuolui aspicio attonitumq; reuerti  
Præsidium: & ruptis incustodita relinqui  
Claustra uiæ ordinib<sup>9</sup>: peditesq; relinq̃re parmas  
Perniciq; uagos dilabi ad flumina cursu.  
Quis pavor exclamo comites quæ ignauia tantū  
Dedecus hoc infert: hodie uel uincite mecū  
Vel simul oppetite. & uitæ preponite laudem.  
Non est mos itali uobis dare terga: sed hostem  
Quærere: & in pugnas animis præstantibus ire.  
Hic Marius paruo fortem molimine cimbrum  
Fudit & ingenti preda ditatus & auro  
Miles ad ausonios scythiæ tulit arma penates:  
State. qd ad rapidum morituri accuritis amnem:  
Non est cum superis bellum: mortalia contra  
Pectora mortales pugnant. hunc sæpius hostem  
Vicimus, & nostra hæc totiens hausere cruorem  
Barbaricum: tot millia misimus orcho:  
Venimus ad Rheni fines: arcemq; Tridenti  
Cernimus. extremus labor hic. in limine semper  
Acrius est certamen. ubi est de limine pulsum



Præsidium trepido domus exanimata pauore  
Concidit. & prohibet dextras; & porrigit arma  
Sumite tella uiri; mecumq; in bella redite.  
Hic animis opus est: fluuium superare uel hostē  
Cogimur. hæc nobis est irremeabilis unda:  
Hanc aciem penetrare leue est. ego prim<sup>9</sup> in istud  
Agmen eam: sed uos animos firmate labantes.  
His excita uelut achuri spirantibus auris  
Fax accensa micat uirtus: clypeisq; resumptis  
Se glomerant referuntq; pedē: dant classica cātū  
Terribilem cunctumq; manus cōplexa trabalem  
Tendere in occursum totis conatibus ardet.  
Iamq; tridentinis ingens de rupibus agmen  
Euomitur: totisq; sonat germania campis.  
Quadrupedant instructæ acies absconditur oīs  
Campus. & obscuris coelū cum nubibus auster  
Sibilat, inspicant cuneos alasq; bisfrontes  
Instituunt. longoq; abeunt duo cornua tractu.  
Tergora tensa crepant; tremulis hinnitibus aer  
Clangit; & ignitæ uolitant ut fulmina glandes.  
Corda repentini terrent mortalia casus.  
Præsertim nouitate loci cum nescia turba  
Qua scit iter nescit: positis cū se undiq; claudi  
Autumat insidiis: longo mē ortantur amici  
Colloquio seruare animas; & parcere ferro



Tunc esto seu fuerit coeci uiolentia fati  
Seu uirtus, quid foemineis me obtunditis inq̃  
Suppliciis: didici nullo trepidare tumultu  
Martis & armorum. non sum fugiturus: abite  
Quos horrere facit duræ præsentia mortis.  
Hic hodie mihi uicēdum uel morte cadendum.  
Hæc ubi dicta ferox adeo certamen. & hostes  
Innumeros contra paucis comitantibus altum  
Cornipedem immitto: fragilles cōcursibus hastæ  
Diffiliunt: uolitantq; leues per inania trunci.  
Educti radiant tremulis splendoribus enses  
Sintillant galeæ: crebris sonat ictibus aura  
Ut cum dura salit crepitans per culmina grando.  
Iamq; manus & tella rubent: celer omnibus adsu  
Dux & miles opem fessis atq; arma ministro  
Huc illucq; uolans ut pignore Tigris abacto.  
Et socios acuo uerbis: ex aggere nostri  
Trans atesim clamore iuuât: atq; irrita mittunt  
Spicula in aduersum non peruenientia litus.  
Cunctantes in bella uoco. sed segnia uindex  
Corda deus nostris fecit gelidumq; timorem  
Misit in ausonias mentes: imisq; medulis  
Torpor inhærebat. soliti superare fugantur  
Italidæ: pauloq; meis qui ortatibus ante  
Rettulerant gressum a fluuio mirabile uisu



Vincere cum possent animas in flumine malunt  
Linquere. & ignauo pereunt in gurgite fato.  
Excrucior; coquit impatiens pudor ira; pectus.  
Vix potui retro paucos prece flectere longa.  
Cum quibus obicior telis; iterumq; repello  
Teutonicos; & caede graui compescimus hostes  
Deferor a sociis iterum. solusq; resisto.  
Vulneror; & iaculis acies me millibus urget.  
Vix elapsus eram medio cum in gurgite uidi  
Difficile impelli cymbam aduersantibus undis.  
Et me sollicito nutu & clamore uocabat  
Portitor; atq; istis prior iam uocibus inquit  
Dux miserande tuo nunq; sine milite uinces.  
Nonne uides; non est tuus hic exercitus. isti  
Auxiliis quorum fidis uillissima uulgi  
Congeries non sunt soliti tot spicula ferre;  
Sed iactare cubos; pugnamq; laceffere pyrgo;  
Differ; & hæc animosa tuis certamina teq;  
Militibus serua; tali me nauita a pacto  
Sollicitat; fugiamq; grauis fata aspera pugnae  
Supplicat; At paucos comites in marte reliqui  
Turpe ratus summis iterum me offerre periclis  
Est animo furor & casus tentare supremos.  
Interea largus duplici de uulnere sanguis  
Ibat; & exhaustæ fugiunt cum sanguine uires.



Barbarus ex omni nostros ad flumina campo  
Compulerat: fatum duplex & martis & undæ  
Nos p̄mit. o comites dixi quo feruida uirtus  
Quo laudum discessit amor: cur pectora tantos  
Concepere metus: & cur non uincere uultis:  
Nonne hostes quotiēs animis & fortibus armis  
Egimus: oppressi bello iacuerē cruento:  
Vndiq; barbarico rubet omnis funere campus  
Nostrorum gladius paucos absumpsit: in undis  
Imbelles misere animas germanicus audet  
Cum nostros trepidare uidet si uertimus ora  
Si pauci comitent: agam hoc de margine turba;  
Præcipitem. dictis equites animantur: & hastas  
Corripiunt: galeisq; uolant in prælia clausis.  
His adiutus equum stimulis in bella ferocem  
Sollicito: & qua densa magis certamina feruent  
Fulmineo cursu irrumpo. germanica cædunt  
Agmina: cæduntur magnis clamoribus hostes  
Turba ruit, crescit strages miseranda uirorum  
Non aliter q̄ cum falcem per gramina curuam  
Messor agit: positis trunca ceruicibus herbæ  
Procumbunt. alii pedibus calcantur equorum.  
Cornipedum super arma labant uestigia: præceps  
Fertur eques: figitq; truces in puluere conos  
Sunt qui disrupto manibus fumantia uentre

D i



Intestina gerunt. quosdā dum uellere tentant  
Ossibus hærentes hastas nouus obruit ictus.  
Impulsu plæbs multa ruit; sub mole cadentum  
Plurima turba perit: clauso nec anhellat hiatu.  
Pulueri lucem inuoluunt & lumina nimbī.  
Attonitæ clamore aures: madet omne cruenta  
Cæde solū; maculatq; fluens cruor arma manusq;  
Arma armis collisa crepant: pelluntq; trahuntq;  
Tela uiri. sæuit maior; & plurima mittit  
Ad miseras lamenta nurus; & nuncia tristes  
Euerfura domos desolatura parentes.  
Ardet ut ingrediens tonsos uulcanus in agros  
Cum stipulas uorat arētes; boreæq; iuuatur  
Flatibus; & prono cum se uaga uertice flamma  
Porriget; & multo depascitur arma fragore.  
Armigerum procul aspicio cui Marte furenti  
Sanguineo ualidaq; manu dura arma mouenti  
Barbara cornipedem chalabrū perfoderat hasta:  
Ipse ibat pedes ære grauis; feror ocyor aura;  
Compelloq; uirum & iubeo uestigia sistat.  
Dū loquor hostis adest & equo torquet ab alto  
Telum in me frendens; meq; in certamina poscit.  
Congredior: capuloq; tenuis clamantis in ora  
Ensem adigo uitāq; uomens cū sanguine corpus  
Pulsat humum; moriensq; cauo singultit hiatu.

Quadrupedem morsu rodentē frena superbo  
Atq; indignantem domino parere latino  
Magnanimo comiti traddo; atq; in super addo.  
Chare comes uariis mecum iactate periclis  
Tempus adest fatale mihi; mea funera cerno:  
Nec mea defferri possunt iam fata; dehiscit  
Iam latus; & sauum strinxit p̄cordia uulnus.  
Sed neq; me mors ista grauat; sat uiuimus; atas  
Nostra quaterdecimi transit confinia lustri.  
Si miseræ paucos uitæ deus adderet annos  
Non tñ auferret mortem. necis oibus æqua  
Conditio: & capulo semper uicina senectus.  
Adde q; hic claro casus duce dignus; & inter  
Tela uiro forti uitam deponere pulchrum est;  
Nec cædes me tanta iuuat; nec more ferarum  
Rimari cupio crudeli uiscera dextra.  
Pellere uim ui iura sinunt. & uulnere uulnus.  
Ipse deus qui lora tenet uitæq; necisq;  
Viderit an melius caput hoc seruare uel hostem:  
Sed te per superos oro; longæuaq; nostri  
Iura sodalicii nostras ex hostibus istis  
Reliquias auferre stude; patrioq; reconde  
Me tumulo, his dictis iterum pugnare paramus.  
Ecce comes quondam meus & nutritus in armis  
Mecum sforcia cis conto traiectus acerno

D ii



Protrahitur fugiente anima uultuq; supino  
Sanguineum uerso ducens in puluere sulcum  
Lora traho: & tristem casum miseratus amici  
Alloquor exanimem. Foelix cui numina tantum  
Præstiterint; ut post ualidæ facta inclyta dextræ  
Finiat illustrem cita mors & splendida uitam.  
Fata ferant mihi funus idem; muliebria plummæ  
Membra decent; acres animi durataq; bello  
Corpora non optant nisi factam uulnere morte.  
Chare uale comes; ante diem q̄ sidera claudant  
Suspitor elysio tecum me in limine cernes.  
Sic efatus agor pernici in prælia cursu.  
Aedimus immensam stragem; nec ferrea nobis  
Tegmina; non densæ possunt obstare cohortes  
Et iam terga dabant hostes; gens barbara toto  
Cesserat ex uallis circo; cum ferrea lauam  
Glans ignita manum feriit; mox altera tergum  
Perculit. elapsis sonipes iam liber habenis  
Ibat; & obscura sensim mihi lumina nocte  
Mors umbrabat; equus spumans æstu atq; labore  
Victus ubi prospexit aquas se misit in amnem  
Nec rectoris habens legem procumbit in undis  
Et me semianimem sternit; sepelitq; sub alto  
Gurgite post multos uitæ mortalis honores  
Si posui afflictos ui ferri & fluminis artus.



Mors tandem; totiens aliis illata recepit  
Me quoq; & accepta cessauit anhellitus unda.  
Altera lux aderat; cum plæbs germanica lugens  
Affuit; ut uita' functos transferret in urbem:  
Me quoq; dum præde cupidî scrutantur arenas  
Et torrentis aquas unco rapuere tridente.  
Agnouere ducem; & spoliis lætatus opimis  
Barbarus elatum tulit in sua moenia corpus.  
In risus abeunt gemitus in gaudia transit  
Luctus; & insigni feror ad sacrata triumpho  
Limina sublimis uigili; condorq; sepulchro.  
Exitus hic uitæ. fuerit quæ cura cadenti  
Quando audire; libet; nec me narrare pigebit.  
Prima fuit mihi cura deus. manibusq; uidebar  
Ante coronatum spinis & sanguine regem  
Supplicibus ueniam & sedes orare quietas  
Miratusq; mihi nullos in morte dolores  
Nulla dari tormenta manus ad pectora iunxi.  
Tum mihi natorum fuit & consortis imago  
Ante oculos; patriq; omnis astare putabam;  
Et generum; qui nocte omnem explorauerat ora;  
Strenuus; & nulli bellorum laude secundus.  
Bentiuolosq; duos; unum cui fessina primum  
Pro meritis patrum atq; suis concedit honorem;  
Cuius amor q̄q̄ solitum quandoq; nitorem

D iiii



Perdere sit uisus tamen alto pectore nunq̃  
Fluxit; & Andream: cuius si munere uirtus  
Sit donanda pari tellus non sufficit omnis.  
Tanta fides talis pietas mortalia transit  
Præmia & ætereï partem sibi poscit olympi.  
Attonitus fixis oculis pressaq; manebat  
Voce Refrigerius; nec dissimulare dolorem  
Iam poterat. uidi lachrymas: suspiria uidi.  
Et dolui tantos hominem ammisisse labores.  
Hos inter moriens natis dare pauca uidebar  
Languenti mandata sono postremaq; uerba.  
Sic memorans mea progenies fortissima bello  
Pectora: qui prius est usus uitalibus auris  
In fatum prius ire decet: qua uiximus æquū est  
Arte mori. uobis famā nomenq; relinquo  
Perpetuum. mea dent uobis uestigia legem  
Viuentiq; modum. poteram discedere ab armis  
Tutus; & aucta fluuium transmittere cymbam  
At seruanda fides uetuit producere uitam.  
Tanta fuit semper Veneti mihi cura senatus  
Tātus amor semper melior mihi sanguine uirtus  
Visa. nec Adriacum potui nisi morte leonem  
Linquere; nec moriens linquo. post ipsa iuuabo  
Funera ni uires animo sensumq; negabunt  
Numina. uos illi si quid suprema parentis



Iussa ualent: si quid pietas: succurrite totis  
Corporis atq; animi neruis: & barbara uestrum  
Robur ab ausoniis auertat finibus arma.  
Viuite concordēs. fraterni nominis auctor  
Explicuit quanto conuerti foedere debent  
Quos natura pares e sanguine fecit eodem.  
Militat in bellis amor: est in pace uoluptas:  
Arma dabit pietas & inexpugnabile uallum  
Rebus in aduersis: erit & mihi grata sepulto.  
At tu care puer grai cui nomina regis  
Indole qui tanta fortes ascendis ad annos  
Germanas matremq; pia complectere cura:  
Viuite foelices. aeterno lumina somno  
Iam mea calligant: mors occupat ora ualete.  
Sic fabar moriens. circumstantiq; coronæ.  
Sum uisus prebere manum: lachrymosaq; natis  
Oscula & uxori charisq; relinquere amicis.  
Mox animus tanq̃ coeco de carcere liber  
Strenuus emicuit. patuerel latentia mundi  
Eoedera coelestes licuit cognoscere causas:  
Naturæq; uias aeternaq; semina rerum.  
Tunc uarias risi ambages uanumq; laborem  
Scrutari superos coeliq; arcana uolentum:  
Tunc ego nescio qua subito uí tractus in altum  
Efferor: & tranans auras & nubila coelo

D iiii



Iam uicinus eram: cum me Catharina beato  
Diuum cincta choro superas auexit ad arces.  
Latus & a curis liber mortalibus ibam  
Mobilior plummis celeri uelocior euro.  
Ipsa quoque ostendens hilari noua gaudia fronte  
Sic ait, ille tuus qui sic accensa momordit  
Corda dolor grauis illa tuae querimonia mentis  
Diluit omne nefas animi rubigine tersa  
Te stygiis exemit aquis: acherontia clausit  
Stagna tibi: tria pandebat iam cerberus ora  
Iamque aderant missi lemures a limine ditis  
Qui te precipiti raperent in tartara cursu.  
Anguis ut aetatis uicium deponit & annos:  
Angustum per iter gradiens perque aspera laxa  
Ut panchea senex patiens incendia foenix  
Ignis odorato renouat sua tempora sacro  
Sic pietas ardens animaeque gementis anhellum  
Pondus ab infecti sceleris calligine lustrat:  
Nulla magis tollunt concretam februa sordem  
Nulla animi pestem medicina potentius aufert.  
Hic nobis uident hos coelos qui singula uoluunt  
Sidera & octauum lucere tot ignibus orbem:  
Perspicuumque gelu mundi: immobile culmen:  
Hic nobis aeterna quies concessa tonantis  
Arbitrio. nobis toto licet oia coelo



Ducere, sed claro mar tis tibi tecta sub orbe  
Dat pater, inferius quorsum libet ire licebit;  
Altius ire nefas, tua sit cum marte potestas.  
Sic ait; & nitidis pulchrum caput abdedit astris.  
Est igitur cū marte mihi domus ampla diesq;  
Perpetuus: secura quies; æterna uoluptas.  
Hic habitant animæ illustres; quæ fata profanis  
Accipiunt bellis; si sit miseratus ab alto  
Orbe deus, Christi pro religione cadentes  
Altius admissæ per summa cacumina mundi  
Tecta tenet; & cuiq; sua est satis ampla uoluptas  
Omnia spiritibus coelestia corpora sanctis  
Plena, dei coelum domus est immensa: puderet  
Amplius his habitare locis; foelicia semper  
Vulnera quæ tantis animū soluere tenebris.  
Talibus orandi finem iam fecerat heros:  
Atq; nouam tristi spoliatus imagine formam  
Sumpserat; & clarus gēmis radiabat & ostro:  
Qualis erat festis gradiens ad templa diebus  
Splendidus & multo Salomon spectabilis auro.  
Tunc ego qui fuerā casu tristatus acerbo;  
Iam positis animi curis tua funera dixi  
Non igitur sunt flenda; qbus de carcere longo  
Solueris; atq; graues claudis tam fortiter annos;  
Vita fuit uirtutis opus; mors gloria coelum



Parte tui meliore tenens. olimq; resument  
Corpora uítales fatís melioribus auræ;  
Cum suprema dies aderit. tua possidet orbem  
Inclyta fama; manet pro te tua clara propago.  
Non parídis iaculo; nec ab uno uíctus achille.  
Nec lapíthas ínter paterís & olentibus urnís  
Occidís: aut díro sicut Tírínthius ígne.  
Non te foemíneo montana betulía sexu  
Non tu massagethum tomyrís regína fefellit.  
Non onus argíuo fregít tibi tempora saxo  
Nec: qua morte ferunt persam cecidísse Darium  
Dextra seruili fodít tua pectora ferro.  
Non in pace sedens armís & fraude tuorum  
Captus obís: quali maculauit cæde senatum  
Impius in patriam Cæsar; non tincta ueneno  
Pocula mortífero sumís; quo sæua tulerunt  
Poenum fata ducem. nec tu tua uiscera telo  
Ipsa tuo lánias; quæ sors míseranda Catonem  
Implicuit; q; eum lucís uítæq; puderet.  
Nec pauido xerxísimilis cū mílite multo  
Funderís a paucís; nec íners aut ocía ducens  
Rústica ceu libyæ domítor. SÍ fortibus armís  
SÍ superas ánimis & uítæ laudibus ístos  
Dícam alías mortís certet tibi glória maíor.  
Nam uelut excéllas altís in cotibus arces



Non nisi ui multa & longo molimine duri  
Deiciunt hostes sic te non misit ad umbras  
Vna manus non una phalanx; exercitus omnis  
In tua fata coit peterisq; a millibus unus.  
Sed neq; te imbelles indi mollesue sabei  
Pigmeiue breues rapiunt. uerum accola rheni  
Gens durata gelu genus insuperabile ferro:  
Quod totiens Romā tū cum ditione pmebat  
Europæ libyæq; urbes Asiamq; minorem  
Terruit hi superant parthos; thracūq; furores  
Quos martem genuisse ferunt hi spicula torquēt  
Pantasilæa non inferiora securi.  
Et iam certa dies tenebras altumq; soporē  
Ruperat: euigilans uerba imperfecta reliquit.  
Visaq; per somnū tacita mecū oīa mente  
Suspectoq; metu uoluens sint somnia dixi  
Vana precor: sōnumq; ferāt & somnia uenti.  
Nec dū finierā cū tristis epistola nobis  
Nunciat infoelix & lamentabile fatum  
Principis o nimīū dixi ueracia si quid  
Sōnia triste ferunt uana & mendacia quando  
Gaudia significant; rebusq; inimica secundis.  
Scilicet istud erat quod mens presaga malorū  
Senferat; & coeco gemitū dabat agra dolore:  
Moerebatq; tacens; & tristī pallida nocte



Vt solet hybernus piceis sub nubibus aer  
Tantane tam subito uirtus occumbere fato  
Tantus honor potuit: Tanta expectatio rerum  
Occidit in medio tanti mollimine belli:  
O superum metuenda manus. sententia semper  
Aequa: sed humanae nunq̃ precognita menti.  
Spes hominum fragilis fortunaq; lubrica uanum  
Consilium. sensus ebetes. prudentia coeca  
Quot capitur delusa modis: cum laxa secundat  
Prosperitas seruare modum: frenare uolantes  
Nescit mens humana rotas: ardentia flagrant  
Vota calet pectus: glescit sine fine libido.  
Addit se comitem uotis audacia mendax  
Fertq; per abruptos silices ebetatq; sequentum  
Lumina ne casum metuant: ubi duxit in altum  
Præcipitat. gaudetq; rudi noua murmura uulgo  
Ingerere: & subitis orbem terrere ruinis.  
Propterea quicumq; loco sublatus ad auras  
Constitit illustri: summam non appetat arcem  
Ne pessum deiectus eat. Voluere gigantes  
Turribus aereis coelos aquare deumq;  
Trudere de regno: & rerum ditione potiri.  
Sed pater indignans animis opus impulit audax  
In latus: & gentem merisit sub mole superbam.  
Dedaleos contra monitus puer Icarus auras



Dum seccat & leuibus dum tendit in aera pennis  
Non tulit hoc titan' caras ardore liquentes  
Soluūt: & ammissis periit labor irritus alis.  
Amphitrioniadae telis praentius haeros  
Figitur: & spernensabilem gestare pharetram  
Sumpsit ab herculeis uulnus letale sagittis  
Occidit inoelix Phaeton dum lora gubernat  
Mortali diuina manu, uidisse paternum  
Limen: & illustrem phoebe tetigisse quadrigam  
Debuit esse satis, nisi mens illecta fuisset  
Auricomi splendore patris, curruq; nitenti  
Tutus erat, finem uotis audacibus ergo  
Ponite rectores orbis, quae semper in altum  
Euolat & nusquam uestigia figit harundo  
Quo' magis ingreditur nubes & sidera tanto  
Ocyus in terras caput est uersura caducum,  
Mitius egrotant si quos temeraria pellit  
Ex humili fortuna loco; quos trudit ab alto  
Quando nulla quies alia conceditur arte  
Tristitiam celeri cupiunt abrumperre fato;  
Sed quid flere iuuat mortes: alienaq; fata:  
Nos omnis domus illa manet, dilabitur aetas  
Dum loquor & celeres torquent sua stamina parcae  
Quod superest: gelido damus inscribenda sepulchro  
Verba renascenti quae a posteritate legantur



Clara seuerinas tua belliger ossa Roberte  
Hic habitant: potuit uirtus a morte tueri  
Nomen & egregiam mentē: mortalia membra  
Non potuit: totū laus est tua missa per orbem  
Religio & pietas animū comitantur in astris

FINIS

FRATRIS Baptistæ Mantuani Carmelitæ theologi  
ad. D. Falconem Protonotarium cuius beneficio  
ex omnibus periculis est liberatus.

Carmen

d EBEO (sed curæ prohibent)  
tibi carmina Falco  
Aegraque mens uariis sollicitudinibus.

Dignus es æterni cui decernantur honores:  
Sacraque solenni conficienda die.  
Sicut enim domitis proles Tirynthia monstris  
In superum sanctas fingitur isse domos.  
Sic ubi fatales lachesis tibi uoluerit annos:  
In paradisiacos ibis ab orbe lares.

Et nisi religio uiuis ea dona nagaret:  
Iam tibi lucentes poneret ara focos.  
Nec magis adiuuit fessum labor herculis orbem:  
Quam tua gentiles prouida cura meos.  
Te duce de scyllæ canibus de fauce charybdis  
Eruimur: placido perfruimurq; mari  
Te duce cum paruo nauis mea remige tutum  
Fecit harenosæ per uada syrtis iter.  
Nostra Caphareo ducete sub uertice puppis  
Transiit. & tyrium qua tulit unda bouem  
Et qua septenos uomit unda reciproca fluctus:  
Eu boicos inter. Castaliosq; sinus.  
Nec potuit nauplus fictis illudere flammis  
Nec pauidam cautes corripuere ratem  
Te duce cyclopes immania monstra subagi:  
Est Erymætheus te duce uictus aper.  
Phasides & circes Acheloïadumq; sororum  
Carmen & harpyias stymphalidasq; fugas.  
Te duce Gerionem & barbara uicimus arma:  
Armigeram segetem flammîuomosq; boues.  
Te duce nigrantes erebi superauimus umbras.  
Et caua tartarei fugimus ora canis.  
Te duce seruata leges: & iura parentum:  
Nostraq; res maius publica robur habet.  
Te duce quassatam fulcris melioribus ædem



Et laceram solido struximus ære domum.  
Te duce pontificis summi mihi limen apertum  
Et sancti patuit regia magna patris.  
Sic precor immensi pateat tibi regia coeli:  
Teq; suum Christus collocet ante thronum.  
Tot meritis unum: quo tangere sidera possis:  
Adde: Quirinali limen in urbe dato.  
Cur precor a latio soli prohibemur: an unq;  
In Capitolas uertimus arma domos?  
Non nos progenies senonum: non punica turba  
Non sumus hyrcanum: sermaticumue genus.  
Itala gentis linguam & mores edocta latinos  
Hauistaq; de petrum religione sumus.  
Cur igitur quotiens Romana reuifere tecta  
Cogimur: in propria non licet esse domo?  
Dalatios Romanæ lares: da cernere thybrim  
Da patriæ nobis regna beata tuæ.  
Auspicete nobis fas hoc sperare putatur:  
Qui regimen cymbæ pontificalis habes  
Nos quoq; q̄ cupimus Romanū extollere nomē  
Suscipiet facili Martia Roma sinu.  
Si fuit Andino mitissima Roma poetæ:  
Nos quoq; quos aluit mintia terra feret.  
Æolus es nobis: pelago dominaris & auræ  
Da zephyros nostræ: remigiumq; rati

Sic tibi fidere i dominam placabis olympi,  
Et pluet aetheria iugis ab arce fauor.  
Sed propera. longo lachesis iam fessa labore  
Cogitat immitti rumpere fila manu.  
Post obitum benefacta manent aeternaq; uirtus  
Non metuit stygiis ne rapiatur aquis.

Ad eundem

I mea pierius coeuntibus undiq; riuis  
Assidue curret totus in ora liquor.  
Non potero meritas Falco tibi soluere grates:  
Digna nec officiis fingere uerba tuis  
Ille satisfaciat qui se contemnere dixit  
Nec calicis uilem frigidioris aquam.  
Ne tamen ignores humilis pia uota Poetae  
Paupere de loculo uilia dona damus.  
Tunc tibi Romulea cum nos donaueris urbe  
De locuplete penu xenia magna dabo.  
Hæc sunt quæ ueniens minus ut uia læderet ægi  
Dum studet obsequio nostra minerva tuo  
Ista leges quando ueniunt post seria ludii  
Cum dabit extremas mensa secunda dapes.  
Nulla suo res est si sit data tempore uilis  
Apta ferunt magnam tempora rebus opem.  
Apportuna tibi poterunt sollatia ferre:  
Tempora si fuerint Carmina lecta suo.

E i



In Eundem endeca syllabi.  
Falco Romulei pater senatus  
Nemo me: quia sit seuerioris  
Vitæ relligio: putet negasse  
Fontis castalii beata rura  
Indoctos homines fatigat ista  
Simplex rusticitas: periciores  
Quales ambrosius Boetiusq;  
Qui mores tetricos: & altiores  
Foelici patriam sequuntur aura.  
Musas & studium latinitalis  
Complexi fidibus lyraq; morbos  
Tollebant animi grauesq; curas:  
Iucunda modulatione fretum  
Pennis ingenium uelut quibusdam  
Sublatum rapitur: deumq; dulci  
Illapsu recipit: bibitq; nectar  
Quo mensæ superum fruuntur omnes  
Hi uere lyrici fuere uates  
Sicut pindarus insulæq; uirgo  
Lesbi gloria: grandiorq; plectro  
Alcaeus modulans uetustiore  
Et dauid tirio decorus ostro  
Percurrit citharam manu sonantem:  
Et sanctos superis cantat honores:

Hinc laudes ueniunt p̄iūq; cantus:  
Hinc hymni resonant choros per omnes:  
Istos; posthabitis minus peritis:  
Auctores imitans tuis patentes  
Campos auspiciis perambulabo  
Nec uulgi duce te proteruietis  
Nugas iudicium ue pertimescam.

In Eundem

Dicet adulandi studio mea carmina lector  
In laudes nimium luxuriare tuas:  
Inuidiæ morbo præsens male iudicat ætas:  
Iudicium melius posteritatis erit  
Credite uenturi mendacia nulla libellus  
Ni malus i nterpres decipiatur habet

Cur libellus Falco dicatur

Quod mihi curuētur uel crura uel ungula lector  
Tale mihi nemo nomen inesse putet.  
Sed quia falconis uersu meliore canendi  
Clauditur exiguo gloria magna sinu:  
Nec tamen immensas licuit cōprehēdere laudes  
Nec fragiles chartæ pondera tanta ferunt:  
Amphora tyrrhenæ quantum degluciet undæ  
Falconis tantum pagina nostra capit.  
Hoc fuerit specimen; reliquam qui cernere mercē  
Postulat aoniæ phocidis aura petat.

E ii



Ad Pomponium.

I mea Falconi placuere poemata forsan  
Aedere & a populo iam licet illa legi  
Ipse etenim cauta uersus appēdere lance  
Nouit: & ingenii lumen & artis habet.  
Tu superes: cuius sententia quaeritur: ac si  
Sit clari dictis anteferenda dei.  
Si placet adantur: si displicet oculos: nam sunt  
Omnia iudicio subiicienda tuo.

In Falco. Dist. ad Pont.

Ducere sopitis pastor potes oia curis  
Falco tuas argi more gubernat oues

In Eundem

Quod fuit Atride nestor: Centaurus achilli  
Hoc patriae Falco Pontificumq; patri.

In Eundem

Saecula falconem si fortunata tulissent  
Vel cato: uel fabius: fabriciusue foret.

In eundem

Sic alios falco superas in rebus agendis:  
Vt libyæ sterilem fertilitate famum.

In Eundem tetrastichus

Quanta rosis inter uernos est gloria flores  
Inter aquas nimphys oceanitidibus.  
Inter sidereos triuiae splendoribus ignes

Falco tibi in patrio gloria tanta foro

In Eundem

Vir bonus est precio sua qui communicat æquo

Falco mihi gratis res operasq; dedit.

In Eundem

Cur tibi tot bona sunt & tam præstantia falco?

Cultus ager quia plus fertilitatis habet.

In Eundem

Insignis uirtute cato: Pompeius honore;

Tullius eloquio; religione Numa

Religio: probitas; honor; & facundia tecum

Sicq; uiros falco quattuor unus habes

In Eundem

Cur male custodit tua ianitor atria falco?

Quod scit in occulta turpe nil esse domo.

In Eundem

Cur tibi sunt dociles serui sine crimine falco?

A simili mores accipiuntur hero;

In Eundem

Cur sors falconem nec læta nec aspera mutat?

Mascula quod uirtus pectora firma facit.

In Eundem

Sunt propria; sunt qui niteant uirtute parentum

Falco tuam radiat splendor uterq; domum.

Sed tuus est maior: nã quicquid laudis in omnes

E iii



Sparsit auios uirtus prodiga: solus habes:

In Eundem

Maxima cum doctis cur habet commertia falco

Quod paritas homines conciliare solet.

In Eundem

Si te tristis adit quisq; cur latior exit?

Falco tuum charites concomitantur iter.

In Eundem

Nicomaci nato si fas est credere falco

Non tibi iam laus est sed referendus honor

Est honor in portu cum puppis ab æquore uenit

Laudibus incoeptum continuatur iter.

In Eundem

Quid tibi cum multis qui tanta negocia tractas?

Pinguis ager syluis; graminibusq; uiret

In Eundem

Quos alia prohibent recipit tua ianua falco:

Non tua: sed populi commoda solus amas.

In Eundem

Publicolæ nomen paries inscriptus habebat;

Falconis credi debuit esse domus.

In eundem: de parione q̄si pater regioni

Area falconi pareo coniuncta uocatur;

Falconem regio prædicat illa patrem

Dat tibi concisum laudis compendia nomen

Omnis ut eulogio lingua sit apta tuo.

In Eundem

Cur genium fraudas: cur respuis oia falco:

Calcar habet uirtus desidiamq; domat

In Eundem

Cur scythas: cur græcus: cur te ueneratur iberus:

Vtitur officiis quælibet ora tuis.

In Eundem

Argolicas maior tyrias minor ursa: sed omnes

Aurea falconis stella gubernat aquas.

In Eundem

Cur tua distinctis fulgent serpentibus arma:

Philtre minus si sint dissociata nocent.

Hæc hominem signant: qui bella domestica sedat

Et quæ ciuilis suscitât arma furor

In Eundem

Vnde fit ut doctos uocet ad conuiuia falco:

Ne pars officio temporis ulla uacet.

In Eundem

Cognita cur tibi sunt idiômata barbara falco:

Ex toto uirtus orbe petita tua est

Pullytropum uates dixit smyrneus olysses:

Ast ego te sanctum pullytropumq; uoco

In Eundem

Cur nunq; alternis cædunt tua seria ludis:

E iiii



Nempe quod abstrusum mens tua numen habet:

In Eundem

Ora tuas falco resonant cur omnia laudes:

Est laus: & non est dicere uera labor

In Eundem

Cur tibi tam levis est: cur tam iucunda senectus:

Libera quod uiciis tota iuuenta fuit.

In Eundem

Cur tua iam grauius uirtus non frangitur annis:

Nec patitur uitae deficientis onus:

Corpora mens: mentem uirtus: deus omnia seruat

Cur minuet uires longa senecta tuas:

In Eundem

Quid ualeat uirtus ad acerbæ ferrea sortis

Spicula falconis testificatur honor.

In Eundem

Cur aliquando fuit tibi sors inimica nocensque:

Quod uirtus fuerit semper amica tibi

Aemula uirtuti sors est: quos eleuat illa

Ista premit crispo torua supercilio.

In Eundem

Cur te dissimulas: cur non in honore superbis:

Falco supercilio gloria uera caret.


Sors facit elatos: & rusticitate tumentes:

Et generant mores corda superba feros.

Exhilarans frontem uirtus augusta serenam  
Cur placidum: clemens: mite piumq; parit.  
In falconem: elegia  
Dicite falcones habeat cur martia paucos  
Curia: quæ colitis phocidis arua deæ:  
Dicite dum tenui strepit Allia murmure: dum sol  
Urget ab excelso pectus & ora polo:  
Dum semiusta sonant querulis arbuta cicadis  
Dum madet: & muscis sollicitatur equus:  
Dicite sed neruis non est opus: ore canendum:  
Arridulo media carmen equestre die.  
Cum dabitur secunda quies meliora canemus  
Nunc satis est celeri ducta figura manu:  
Finieram: uocem mox extulit una sororum:  
Paucaq; disparibus rettulit ista modis:  
Est domus in summo saxosi uertice montis  
Ardua: quo durum semita tollit iter.  
Auratus paries gemmis uestitur ubiq;  
Artis apellæ nobile fulget opus.  
Hi sunt qui sophia: qui religionem uel armis  
Aut aliter summum promeruerunt decus.  
Hic retinet bello præstans & pace repertus  
Inter martigenas regia sceptrum duces.  
Ipse seuerini generis nitor: ipse latinam  
Militem pacem iustitiamq; regit.



Hic est caraphiam qui tollit ad æthera gentem  
Cui placidum mitis nomen oliua dedit.  
Hic est Romuleæ præscò de sanguine gentis:  
Qui ueteres falco laudibus æquat auos.  
Vidimus hos uirides lauri gestare coronas:  
Et loca quemq; suo prima tenere choro.  
Tota cohors tribus assurgit; nec uidimus horum  
Quis prior; & cuius palma secunda foret.  
Atria prima labor; tecti penetralia uirtus  
Seruat: in extrema parte locatur honor.  
Horriferum labor est & inexorabile monstrum:  
Quale quod infernas excubat ante fores  
Pectora lata tument; collum breue; brachia setis  
Hispidæ: neruose marmoreæq; manus.  
Hic cadmi superanda seges: mactanda chimera  
Atq; medusæ colla secunda feræ.  
Hic uigil hesperidum custos fallendus; iason  
Hic domat iratos flammea monstra boues:  
Hic fuit hippolytus cursu laceratus equorum:  
Et cito uirtutis uiuificatus ope:  
Nam labor in uarias solet migrare figuras:  
Nunc leo; nunc aper est; nunc bouis ora gerit.  
Sicut acarnano est de flumine fama deoq;  
Qui uada carpathiæ lata tenebat aquæ.  
Plurima barba; micant oculi; stant cornua fronte





Esurit; & sicco semper in ore sitis  
Sudat; & in rorem facies & pectora currunt  
Nulla quies; nulla est desidiosa dies  
Illia magna; femur ualidum; sine pondere uenter:  
Desinit in latos tibia longa pedes.  
Bille tumet; furit; intrantes clamoribus arcet:  
Vociferat toruum; multiplicatq; minas.  
Ut reor hoc prisca uates dixere minervam:  
Nam minuit uires; debilitatq; labor.  
Qui cupiunt igitur sanctos intrare recessus  
Longa prius duro praelia Marte ferunt.  
Dicitur Alcides Ericem qui uicit ab isto  
Victus in herbofo procubuisse solo.  
Et nisi certantem uirtus miserata fuisset;  
Semper erant sacrae limina clausa domus.  
Ipsa fores referans fessum totoq; labantem  
Corpore: porrecta traxit ab hoste manu.  
Huc ueniunt homines uirtutis imagine ducti:  
Sed refugit uerso territa turba pede.  
Hic opus est animis; & firmi pectoris ausu  
Vincit quem longae non domuere morae.  
Degeneres animi primo in certamine cadunt:  
Nec pudet expelli: nec dare terga fugae  
Limen ad hoc falco; pugnare uiriliter ausus  
Obtinuit fractis regia tecta seris:



Hicq; diu doctus delubra subiuit honoris  
Victor: & immensas inde recepit opes.  
Sicut aristeus post uicti praelia monstri  
Repperit occiso dulcia mella boue.  
Et quoniam pauci superant haec atria: paucos  
Falconi reperit curia sancta pares.

In falconem

Vnde magistratus falco tibi gloria tanti  
Quos aluit uirtus magnificauit honor.

In Eundem

Pulsa redi uirtus reuocat te libera roma:  
Nam patriae falco regnat in urbe pater.

In Eundem

Est alias falco superat qui caede uolucres:  
Hialios meritis & pietate uiros.

In Eundem

Praxiteles sculptor: uates maro: pinctor apelles:  
Herbipotens chiron: balliger hector erat:  
Musicus Amphion: Tiphys nauarcus: apollo  
Fatidicus: mars ui: maximus arte sinon  
Gnosiacis Alcon iaculis clarebat & arcu:  
Mercurius linguae munere: castor equis:  
Automedon currus moderatur: Aranea telam  
Artifices pallas. luna bicornis aquam.  
At commune bonum Christi:q; negocia falco

Curat; & hac illi culmen in arte datur.

In Eundem

Desipiunt Romam qui degenerasse fatentur:

Romuleos falco laudibus æquat auos

In Eundem

Iam Romana satis tuto ratis æquore fertur

Nam pelagus falco remigiumq; tenet.

In Eundem

Cur est pulsa fames: Romæ Cur bella quierunt:

Quod cererem falco; temperat atq; iouem.

In Eundem

Arma placent aquilæ parit aurea sæcula falco

Ciuiibus: hic Christo militat; illa ioui.

In Eundem

Omne quirinali scelus eiicietur ab aula;

Limen enim falco pontificale tenet.

In Eundem

Quid gemis ammissas aquilas priscumq; decore;

Romæ; tuus falco te reparare potest.

Roma meos inquit uexat discordia ciues:

Nec ratio sed iam uiuit in urbe furor

Iste meus nulla dolor est sanabilis arte:

Deridet medicas ista podagra manus.

Non si præteritos reuocet noua purpura reges:

Non si Cæsaribus; Consulibusue darer



Falconem fateor si spes foret ulla salutis  
Forſitan erumnas poſſe fugare meas

In Eundem

Quid tibi moecenas quod ſis ſub cæſare falco  
Proderit; exclusus ſi ſit ab urbe maro

In Eundem

Quoſdam thraïcios audiuit Roma loquentes  
Palluit ultores credidit eſſe gothos:  
Tunc ego; dum falco dum regnat Acacius inq̃  
Roma ſede; & nullo ſollicitere metu.

In Eundem

Auget opes alius Romæ; ſtudet alter honoris  
At ſtadium falco religionis habet;

In Eundem

Cur populo ſemper domus eſt falconis aperta:  
Quod ſit honeſtatis iuſtitiaq; domus.

In Eundem

Sceptra tenet falco; Romana catonibus aula  
Paret; in aſſirios ſardanapalus eat.

In Eundem

Aurea falconis uirtus eſt ſidere maior  
Non metuum rutilæ flammea monſtra comæ

In Eundem

Vidimus aſſueto priuatum lumine ſolem;  
Pallida turbato uidimus aſtra die

Vidimus horrendos criniti sideris ignes:  
Et grauis attonito regnat in orbe pavor.  
Non ego defectum phoebe te sospite falco  
Non metuam fulmen terribile sue comas.  
Non metuam terræ motus; non æquoris æstum;  
Non canis æstiuo cum furit igne sitim  
Scimus enim quoniam deus est pietatis amator.  
Ventura auspicio prospera cuncta tuo

In Eundem

Innumeros phoenix: & phoebe nuncius annos  
Viuít: amadryades tempora longa deæ  
Sæcula tot ceruus: tot viuít sæcula cornix;  
Ast hominum paucis uita diebus abit.  
Recte igitur falco maior tibi cura dierum:  
Quã sit opum: redit æs: non redit ulla dies

In Eundem

Est tibi diuitiis uirtus & honoribus impar  
Cur dat inæquali præmia luce deus?  
Præmia uirtutum non sunt mortalia: tanti  
Nemo uoluptates diuitiasue putet.  
Est tibi supremo melior thesaurus olympo:  
Vnde tu merces tota laboris erit.

In Eundem

Diues es at: croeso longe locupletior esses:  
Si meritis hominum diuiderentur opes



Ad Eundem de uirtute sapphicum carmen  
Cum deus magnum fabricaret orbem  
Et polos alto sinuaret arcu:  
Iussit æterna rutilare pulchrum  
Lampade solem  
Iussit & lunam dubia micantem  
Luce sublimes agitare Currus  
Et per obscuras aliena ferre  
Lumina noctes  
Aureis coelū uariāuit astris  
Quæ per ingentes reuoluta gyros  
Fata dispensant: humilisq; terræ  
Regna gubernant  
Aeris tractus auium Canoris  
Cantibus: terras nemorum uirenti  
Fronde: diuersis decorauit altum  
Piscibus æquor  
Tunc ad argutos philomena cantus  
Guttur aprauit: didicitq; uoces  
Psithacus nostras: nituit superbo  
Tergore pauo.  
Barbaram citrum preciosus atlas  
Ida funebrem peperit Cypressum  
Pelion Quercus solymæ tulerunt  
Balsama syluæ.

Et tagus fuluo nociturus auro  
Eluxit: & croesi uiridē per oram:  
Lydius cursu pperauit hermus  
Inuidioso  
Tūc per humētes pelagi meatus  
Squāmea cinctus populī caterua  
Post suū fluctus equitauit altos  
Prothea delphin.  
Sic deus coelimarīs atq; terrā  
Fecit ornatū: tamen ad decorem  
Mētīs humanāe magis applicauit  
Artis acumen.  
Mens enī summo nīmiū parenti  
Chara: pro uitāe sapienter actā  
Præmio: mundi fuit in beatum  
Limen itura.  
Dumq; ei cultū dare singularem  
Cogitat: pulchris Areten capillis  
Eorte prospexit spaciōsa solam  
Ire per arua.  
Nāq; flammātis meditās olympi  
Lūmen: & cursus Arete uolātes  
Nomen aptabat numerūq; claris  
Addidit astris.  
Iā maris fluxū tumidosq; fluctūs

F i



Norat: & q̄re tremebunda tellus  
Fluctuet; quare iaculetur aer  
Nubilus ignes.  
Norat & líguas homínūq; mores  
Et quibus falli solet & refelli  
Veritas tecto male nota uultu  
Norat elenchos,  
Fecerat nostræ documenta uita:  
Et quibus coeli peteremus arcem  
Sortis humanæ miserata casum.  
Fecerat artes  
Hanc deus menti comitē ducēq;  
Fecit: ut casus patienter omnes  
Ferret; & nullo scelerum tumultu  
Deiiceretur.  
Ipsa nos duros uocat in labores  
Nec dies nobis sinit ociosos  
Hoc ait nostros petiisse coelum  
Calle parentes.  
Ipsa falconis comitata gressum  
Fecit ut duros tolerans labores  
Iret ad summum decus atq; uitam  
Labe carentem.  
Ipsa falconis uigílanter aurem  
Vellat; & nostri memorē negoci

Reddat ut portum breuiore cursu  
Cymba subintret.

In Eundem de uirtute  
Mens uirtutis inops mare piscibus: alite coelum;  
Sideribus mundus; gramine terra' carens.

In Eundem de uirtute  
Pyramides Nili; pharos insula; iuppiter ammon  
Mausoli & triuiae marmora celsa deae.  
Regna semiramidis; Romana palatia iunge  
Si placet & solymi templa superba dei  
Talia simplicitas hominum miracula dixit:

Qui nisi terrenas nil speculatur opes.  
Hæc lapidum moles cælataq; saxa fuere  
Quæ grauis eximia fecerat arte labor  
Longa dies marmor solidum contriuit; & æra:  
Tempus enim dura lingua fæce terit.  
Maius opus uirtus; quæ nec dissoluere possunt  
Tempora; nec rauco fulmina pulsa sono.

In Eundem de uirtute  
Plurima uirtuti laus hiciat præmia nulla:  
Nam deus illius præmia solus habet.

In Eundem de uirtute  
Eximiae claros cur ad uirtutis honores  
Ex humili plures uidimus ire loco:  
Pauperibus uirtus quia sit sine dote maritis

F ii



Nubit:habet grandes fors opulenta uiros  
In Eundem de formoso & studioso  
Iuncta uenustati probitas iuuenilis in auro  
Candida purpureis lilia mixta rosis:  
Additus in calato uiolis amaranthus eburno:  
Et cum purpureo medica mala croco.

De deformi studioso.

Abdita deformi uirtus sub corporis antro:  
Tecta cauernosis attica mella fauis.  
Rex in ueste rudi/lutea thesaurus in urna:  
Phagina gemmato dactyloteca sinu.

De pulchro & uitioso

Forma mephitisfero polluta libidinis usu:  
Picta cadaueribus plena sepulchra nouis  
Foeta uenenosis argentea uasa colubris:  
Oblita tartareo lactea gemma luto.

De deformi uitioso.

Improbitas animi deformibus addita membris  
Virtus in obsceno triste nocēsque cado.  
Frigida limosis inclusa paludibus hydra:  
Turpibus in lustris dente superbus aper.

In Eundem de uirtute

Alcides lapythas:indos deuicit lachus:  
Isthmiaco iuueni praeda chimera fuit.  
Pelleus babylona labor tristemque darium

Vicit; & iſiacas memnoniaſq; domos,  
Aefonides fuluum uelus; danaea propago  
Gorgoneos angues æquoreamq; feram.  
Cæſaris occiduo ueniunt ex orbe triumphū;  
Scypiade libycos perdomuere lares.  
His æterna dedit laudum præconia uirtus  
Maior; & immenſum fortia facta decus.  
Ardua res uiciſſe alios uictoria maior  
Eſt animi fluctus compoſuiſſe ſui.  
Subieciffe metus; & debellaſſe timores;  
Gaudia ſpemq; graui ſuppoſuiſſe iugo.  
Propterea longe maior tua gloria falco  
Surgit; & armatos uincis honore duces.  
Cur boni uiri poſthabeantur  
Spōte malos hoies: & noxia grāmina nutrit;  
At melius ſemen ferre recuſat humus.  
Mitior eſt propriis; alienaq; pignora ſemper  
Tractat inhumana dura nouerca manu.  
Vir bonus eſt coeli; malus eſt telluris alūnus:  
Quos igitur coelum diligit; odit humus.  
De cōiſticia in magiſtratu Falconis.  
Fuſca prius quare fulgent candore niuali  
Atria; & albentes explicat aula ſinus;  
Cur domus exultat; molles cur læta coronas  
Induit; & multa ianua fronde uiret;

F iii



Barbara cur nitidos uelât aulea penates?  
Aurea cur pictum signa lacunar habet?  
Roma senes alacri cui nã uenit obuia pompa?  
Quo properat celeri tota iuuenta pede?  
Thybris ouans gestit: sicut gestiuit olympus:  
Cum rediit uicto iuppiter encelado.  
Hæc ego dũ meditâs tacito sibi pectore uoluo  
Concita uox aures impulit ista meas.  
Fortunam superat uirtus: prudentia fatum:  
Curat honestatem iusticiamq; deus.  
Ista uiris grauib; fecit populoq; quirini  
Falco magistratu gaudia tanta suo.

Ad Philippum Baueriam.

Turbida nũc urfos clamat nũc Roma colunã  
Esse quid attonita pacis in urbe potest:  
Et nisi falconis scirem me numine tutum;  
Iam mea populifer cerneret ora padus  
Propterea diui repetes cũ limina Petri:  
Ne fluat in longos fac mea causa dies.

Ad Falconem.

Cum deus extructo terras inuiseret orbe  
Cunctaq; de ueteri cerneret orta chaos.  
Naturæ ex utero traxit duo pignora quorũ  
Nutibus humanæ diuiderentur opes.  
Virtutem sortemq; uocant: temeraria sorti

Frons fuit; at uirtus casta modesta proba  
Mentis inops orbamq; ferens sors lumina frontē  
Iustitiam nescit; consilioq; caret  
At uirtus grauis; æqua sagax innoxia uerax  
Pondera mensuras corrigit & numeros.  
Quod iubet utilitas uirtus; quod poscit honestas  
Præstat; inaudita nil ratione facit  
Sors autem quicquid præceps sine lege libido  
Suggestit; instabili datq; adimitq; manu.  
Ipsa sibi satis est; ipsa est sibi præmia uirtus:  
Sors est præter opes & sine honore nihil  
Has sibi; quod nemo potuit sine numine; tandem  
Eualuit falco conciliare duas  
Nec mirum; quoniā quisquis ueneratur olympū  
Ipse sibi coelos subicit atq; deum  
Colloquium inopum de falcone  
Dixit inops inopi sacrā laurentis ad ædem  
Quid facis ad floræ tristis inersq; forum?  
Dum mea; respondit; tractare negocia tento  
Expilor assiduus quotidie aucupius  
Aes perit; nec habet finem rerum ulla mearum;  
Quid faciam infoelix; unde præcabor opem?  
Obtinet expulsa probitate pecunia Romam  
Nec deus in tota possidet urbe locum.  
Quot<sup>us</sup> homines Romæ tot eunt per cōpita fures



atq; Cædas

Quosue canes speras experiere lupos  
Lacedemonii; scythiam petiere quirités:  
Nam lacedemonii furta licere putant.  
At scythiae populi damnant; grauiusq; minant;  
Vt mos consulibus caesaribusq; fuit.  
Omnibus esse lupos licet in regione luporum:  
Inter pygmeos non pudet esse breuem.  
Delipis alter ait; fugat hæc opprobria falco  
Nec sua sub tali sæcula labe sinit.  
Stra pete falconem; sine re sine munere uinces:  
Omnis ab hoc saltem fraus aliena uiro est.  
In falconem  
Nuper ab exquiliis quosdam descendere lætis  
Frontibus; & lento uidimus ire pede.  
Dumq; meos eadem fero per uestigia gressus:  
Et sequor æquali prauia terga gradu.  
Audio miscentes concordibus ista loquelis;  
Verba decem; breuibus subiicienda modis.  
Vidimus antiquæ speciem uirtutis in uno:  
Et Fabium curium fabriciumq; uiro.  
Cæsareos animos; cum relligione catonis  
Attiliique fidem cum pietate numæ.  
Vidimus ardentem Christi pro nomine Petrum;  
Et celebrem Pauli uociferare tubam  
Eloquium marci Demostenis atq; Salusti



Et geminos; magni cum comitate:brutos.  
Continet hos omnis sancto sub pectore falco  
Idq; quod est falco plus habet omnibushis:  
Ad.D.falc. d morte philippi baueria querimonia  
m Axime uir patriæ pater & mea gloria falco:  
Impulit in luctus me noua causa nouos.  
Tristor; & in tenebras lucem uertere dolores;  
Nec mihi nocte datur; nec mihi luce quies.  
Baueriam rapuit pestis Romana philippum  
Perdere tam sanctum mors fuit ausa caput  
Inuida mors siquid miseris uidet utile terris;  
Insidiatrices mittit ad arma manus.  
Cur ueneranda mori permisit pectora uirtus?  
Cur homini non est auxiliata suo?  
Et deus: aeterno probitas cui foed ere iuncta est  
In cineres talem cur sinit ire uirum  
Quot mala quot clades hæc tanta licentia mortis  
Attulit indigno quot premit ora situ.  
Conquerimur; nec fert aliquẽ querimonia fructũ;  
Quotidie qnerimur: quotidie rapimur.  
Si perimat sæuos hominumq; cruore madentes  
Iustius; & longe mitius esset opus.  
Si cadat euristheus aliquis si infidus oliffes  
Non est qui facinus non putet esse pium.  
Iste nec immiti tractabat spicula dextra;



Nec sæuū rigidi martis amabat opus  
Arte regens acres sicut theodosius iras  
Mitis; & in nullos ore molestus erat.  
Omnibus innocuus; casu tranquillus in omni  
Nec tamen ignauo segnis inersq; metu.  
Iste dioneam uenerem; bromiumq; subegit;  
Votaq; lasiua somniculosa gula.  
Fecerat hospitium casto pia membra pudori  
Sicut iosephus; sicut & Hippolitus.  
Non erat elatus; nec inani deditus auræ.  
Qualis tarquinius; qualis & Ancus erat.  
Ipse suas cunctis operas donabat amicis;  
Officio tota sedulitate uacans.  
Si quando uacuum tempus superesset habebat  
Siue deus totos siue minerua dies;  
Languida nec fecit tardos ignauia sensus;  
Nec uitam coluit sardanapaliacam.  
Peruigil ad mores animum reuocabat honestos;  
Mensq; erat ad curas ingeniosa pias.  
Inuidiæ nunq̃ potuit tabescere morbo  
Nec dedit atroci corda cremanda foco.  
Totus erat pietas; totus clementia. totus  
Et sine fraude fides; & sine labe pudor;  
Non erat argenti cupidus; non ebrius auro;  
Solum animi ueras accumulauit opes;

Fortis; & a recto nulla reuocabilis arte;  
Quale numæ pectus; quale Catonis erat.  
Non labor a rebus iuuenē reuocabat agendis.  
Gaudia sudor erat: cura leuamen erat.  
Ipse erat irato comunis ab æquore portus;  
Ipse erat in placido remus & aura mari.  
Nec dum bis denos æui transegerat annos:  
Et tam diuitibus mens erat aucta bonis;  
Quod longis aliqui uix eualuere diebus  
Iste breui prudens tempore factus erat.  
Non expectauit canos matura senectus;  
Ante senem senuit: uir fuit ante uirum;  
Quis lepor; & latia fuerit quæ gratia linguæ  
Quæ docuit tellus romula testis erit.  
Testis erit locuples nostri Pomponius æui  
Gloria de cuius plurima fonte bibit.  
Hic; si continuo rerum senuisset in usus  
Iisset ad heroum semideumq; decus.  
Notus erat dirceus ager potauerat undam:  
Quæ subito uates hausta deosq; facit.  
In uiridi grauitas lætoq; modestia uultu  
Grata uerecundi signa pudoris erant.  
Cur fuerit uirtus tenero tam clara sub æuo;  
Causa uelut passim dicitur ista fuit.  
Nam per oliuerii uestigia sancta carasæ



Affidus coeptum continuauit iter,  
Adde quod herebat lateri falconis & ista  
Integritas ex his tracta duobus erat.  
Nam iuuenis mores a conuiuētibus haurit  
Et calet admoto frigidus igne liquor.  
Hi sunt romulei duo sidera magna senatus  
Vnde bonis lumen: praesidiumq; datur.  
Iure igit fratres fratre defletis ademptum:  
Tuq; parens uentris pignora sancta tui.  
Heu periit generis proles clarissima uestri:  
Heu cecidit uestrae gloria tanta domus.  
Sed memores estote pias in sidera mentes  
Ire: nec infernos posse subire lacus  
Viuat i aetherio: quē nos hic flemus olympo:  
Et gaudet luteas deseruisse domos  
Deseruisse graues resoluti corporis artus  
Gaudet: & in superum transiisse choros.  
Horriferā mortē: uiuis q̄ maxima poena est  
Transiit: elysiis perfruiturq; locis.  
Nos quoq; lugubri flemus tua fata philippe  
Carminē: decessus ingemimusq; tuos:  
Tu mihi tractati romana negocia semper:  
Affiduas operas: auxiliumq; dabas.  
Tu mihi solamen: miseris tu in rebus asylū:  
Tu uada: tu uentis: tu mihi portus eras.



Tu mihi fecisti: mea dum praconia narras;  
Egregios inter nomina clara uiros;  
Propterea quotiens sacras accendimus aras;  
Suppliciter pro te mistica dona damus.  
Tu quoque spiritibus; quorum tibi copia; sanctis  
Mutua pro nobis uota precesque dato.  
Pugna uirtutis & fortunae.  
Ebria uirtutem fortuna laceessere nuper  
Coepit; & hoc bellum dicitur orsa modo  
Cur latitas; uanaque regis grauitate timorem;  
Si sapis ut iactas; & potes; arma cape;  
Te iuuat obscuris nugas excudere tectis  
Semiuiros inter foemineosque choros.  
Tu tibi sola places; sine te nihil utile dicis  
Et populum ficto decipis ore rudem.  
Vis phoebea tuis oracula cedere dictis;  
Et somnos hebetes desidiamque doces.  
Ast ergo sublimes animos ad sidera mitto;  
Et decoro gentem nobilitate meam.  
Regna mihi subsunt & opes & purpura regum;  
Et patitur leges terra fretumque meas.  
Tu me stulticiae; tu me leuitatis ubique  
Arguis; & nomen polluis ore meum.  
Efficiam ne te deffendat inertia posthac;  
Si sapis ut iactas; & potes; arma cape.

G i



Nec lateo dixit uirtus; nec praelia quaero  
Nec fugio: leges consiliumque sequor.  
Si ratio poscit pugnare; interrita pugno:  
Si pacem praefert; omnia pacis amo.  
De pietate loqui de religione deoque  
Ad genus omne iuuat; nam genus omne rogo  
Recta placent nobis: ratione carentia nunquam  
Et populum tali fallimus arte rudem.  
Non phoebea meis: uerum tua cadere dictis  
Plena uolo obscenis dicta libidinibus.  
Ipsa leues animos in tartara mittis, & omni  
Dedecoras gentes impietate tuas  
Praeficis indignos; & regna latronibus imple.  
Subque tuo luget terra fretumque iugo.  
Nec te stultitiae; nec te leuitatis ubique.  
Arguo; tale tuum dat tibi nomen opus.  
Efficiam certe ne me experiaris inertem;  
Efficiam gladio confodiare tuo.  
Desine decepatrix hominum fortuna minari;  
Nouimus & mores ingeniumque tuum.  
Fas & iura times; pro legibus uteris armis;  
Nec pudet insontes praecipitare uiros.  
Te duce Romani maduerunt sanguine reges;  
Et plerique sua procubuere manu.  
Bella moues; nec scis motos sedare tumultus

Sæpius accenso territa Marte fugis.  
 Nouim⁹ ad trebiā: cānas trālimenaq; arua:  
 Stultitiæ uires consiliumq; tuæ  
 Te rupes tarpeia canit; canit Allia laudes  
 Et gothus & fusco uandalus ore tuas.  
 Aestiferū æqperas nibū:q; murmure multo  
 Surgit; & excussa languet inanis aqua  
 Falconem quotiens fortēq; insana repertū  
 In sordes ausa es pauperiemq; dare:  
 Cerne locis ut nunc niteat sublimibus inter  
 Purpureos patres armigerosq; duces  
 Hī sunt quos uesana fugas: cogisq; subire  
 Et terra & uasto longa pericla mari.  
 Alter ad oceanum finesq; recurrit iberos:  
 Dum fidei debet præmia ferre suæ.  
 Alter in alpinis niuib; ligurūq; per agros  
 Viuit; & ad celtas ad senonesq; fugit.  
 Et quia militiæ titulus excellit; & omni  
 Laude nitet; duplicē; foedifragūq; uocas:  
 Quis sit & eximiæ quæ sit prudentia frontis  
 Constat; & hoc uicti non tacuere duces.  
 Hos expta potes quæ nostra potētia nosse  
 Et qua conatus frangimus arte tuos.  
 Disce uiros fortes; & pectora sancta uereri:  
 Atq; meum cessa dilacerare genus.

G ii



Verū adeo levis es: tantisq; furoribus ardens:  
Vt nequeas iræ uim cohibere tuæ.  
Qui pinxit lycium uoluit te pingere montem:  
Dum uariam fingit multiplicemq; feram:  
Ora leonis habes: quia primum pectora fastu  
Tollis: & audaces mitis in ora sonos.  
Hircus olens uenter: quia quos extollis: in omnē  
Desidiā prōni luxuriāq; ruunt:  
Non opus exemplis: quorum mihi copia maior:  
In libyca q̄ sit copia ferris humo  
Vltima pars serpens: quoniam de crimine uirus  
Nascitur: & uitium dira uenena parit.  
Conscia mens culpæ taxos aconitaq; mandit:  
Semper & in tenebras suppliciumq; cadit.  
His accensa grauem rapuit fortuna pharetram  
Et coeleri torsit spicula multa manu.  
Voce manu gladio iaculis cursuq; fatigat:  
Et circumducto Strenua pugnat equo.  
Fixa manens eadem insistit uestigia uirtus:  
Nec timet insanam præcipitemq; feram.  
Aegida nam rapidis chalybum fornacibus uisam  
Et solido clypeos & adamante gerit.  
Frustra igitur fortunā truci superintonat ore:  
Atq; leues circum fertq; refertq; gradus.  
Sæuit inutiliter ceu cum graue sibilat oestrum

6x



Obuolitans taurum cornupetamue bouem.  
Dum uidet in cassum se mittere tela per auras  
Infremit. & crebro uerbere pulsat equum.  
Dum furit incaute; missisq; uagatur habenis;  
Decidit: & fracto gutturis osse perit.  
Marmoreo comites<sup>9</sup> moestæ iposuerunt sepulchro:  
Et super hoc quidam carmen inesse ferunt.  
Hic iacet insani numen mutabile uulgi  
Lege carēs; sola mobilitate potens.  
Arma capit lanī uariāsque ferentia fruges  
Cornua; cum clauo quo uada nauis arat.  
Tunc ait ex mediā quidam sine nomine turba  
Quī uariās fortis nouerat ante uices.  
Fidite uirtuti: fortuna fugacior undis  
Non manet; & certam nescit habere domum;  
Gaudia dum simulat; subuertere cogitat orbem:  
Insidias ridens exiciumque parat.  
Propterea uasis Agathoclea legimus usum  
Fictilibus uersodum timet orbe premi  
Discite quos sursum uoluit rota ponere fastus  
Trudet ab excelso uos mora parua loco.  
Ad Eundemque heroico carmine dicendus sit  
Falco quirinalis decus immortale senatus  
Quo duce restitui possent labentia Romæ  
Moenia & illustres iterum sperare triumphos



Dummodo nostra tuas elegia reponere laudes  
Pergit; & exilem disperdit arundine cantum:  
Ecce cothurnato gradiens heroica passu  
Musa meum derisit opus: quid talibus inquit  
Ionium remis audes tranare profundum?  
Hic mihi non sulmo; nec inertī nauita uersu  
Claudicet; huc opus ē adsit uel smyrna uel andes  
Nam neq; penelopes curæ; non hyppodamiæ;  
Non danaes plorandus amor; non uulnus elisæ;  
Parua decent humiles; paruo breuis hydria fonti  
Conuenit; & paruis satis est breuis utribus aura.  
Vel pedes incedit media de plebe uiator:  
Vel querulo uehit' plaustro: uel paupere cymba;  
Magnanimis rex magnus equis curruq; superbo  
Fertur: & audaces sulcat ratis ardua fluctus.  
Magna decent magnos; magno latonius arcu  
Utitur; ingenti mauors accingitur ense:  
Immenso tonat igne pater; maiora putatur  
Gurgite sub uitreo gestare tridentifer arma.  
Huc igitur phoebea cohors; phoebea supellex  
Plectra lyraeq; uolent; & sacri gloria fontis;  
Huc pluat eurotas; huc omnia phocidis arua  
Certatim gelidos latīces & lactea mittant  
Flumina lauretis uariaq; uirentia fronde.  
Non sit in aoniis regio sine uocibus oris



Non sine laude nemus; nulli sine carmine fontes  
Illustres Falconis auos cantare; piamq;  
Primæui generis prolem clarosq; nepotes:  
Ipse quoq; altifono tollatur ad æthera cantu;  
Cuncta sonēt heroa nouum quem rector olympi  
Diuorum ascripsit numero; qui carcere liber  
Corporeo implebit de sedibus ætheris unam.  
Dicite; & illustrem trans æquora mittite famam;  
Audiat hæc tanais; mirentur iberica regna  
Et pellusiacas carmen referatur ad aures.  
Et didonis ager romanis æmulus aruis  
Audiat hæc; trepidetq; iterum Romana reuerti  
Classica & ausoniis iterum dare moenia flammis.  
Scypiadas iterum metuat; dum talibus audit  
Nunc quoq; Romuleas habitari ciuibus arces.  
Trāseat hæc arabes nigros ea fama per Indos;  
Et repetat scyticos per seria regna colonos.  
Palladias artes rimatus in omnia uenit  
Phoebeæ secreta domus primordia nostri  
Fontis; & ætheream penetrauit lumine molem.  
Sæpe meduseis facunda liquoribus arua.  
Abluit; & nostris diues remeauit ab oris.  
Ipse iubet passim sanctosadolescere mores;  
Priscaq; cælestis renouat uestigia uitæ.  
Nec pessum sinīt ire pios; in egena patentes



Cōpita fert loculos & i agmina seminat aurū:  
Ferreus ad Romæ populiq; negocia nunq̃  
Flectitur: & palma similis quæ pōdere pressa  
Altius extollit ramos: oneriq; resistit:  
Strenuus & solers & frangi nescius ira:  
Propositi fideiq; tenax: sine munere nullos  
Pro uirtute fugit: pro religione labores:  
Quod nisi Falconis quicq̃ de laudibus aufert  
Liuor: ad excelsos ueterū se attollet honores:  
Nec sinet extingui gentis monumenta latinæ  
Et sua uiuaci decorabit sæcula laude:  
Inq; dies uestros rediisse uidebitur ætas  
Aurea: & antiquæ surget uirtutis imago:  
Perpetuis igitur circundate tempora fertis:  
Et lauros hederasq; ferat frondemq; minervæ  
Hæc ait: & ridens elegos humilemq; poem  
Et caput auertens indignabunda recessit.

FINIS.

Ad. D. Falconem opus hoc elegantissimū Ve  
netiis impressum est per Iacobum de Leucho  
Anno natiuitatis dominice .M. cccc. xcix. die  
vi. Augusti.

Registrum

A B C D E quaterni sunt. sed F triter/  
nus: G uero duernus.

